



OFISA TAUSI MAVAEAGA



**LIPOTI FA'ALETASAGA
2025**

Imeli: ptrustee@publictrust.ws
Upegatafa'ilagi: publictrust.ws

Telefoni: [685] 21061/ 21062
Fale ole Ofisa Tausi Mavaega, Matafele

Please address all correspondence to:
Hon. Puga Te'omatavui Talalelei Puga



Postal Address: Private Bag, Apia, Samoa
Telephone: (685) 29903
Email: puga.puga@revenue.gov.ws

Government of Sāmoa

OFFICE OF THE MINISTER OF REVENUE
Ministry of Revenue

31 Oketopa 2025

Afioga Auapa'au Mulipola Aloitafua
Fofoga Fetalai
Fono Aoao Faitulafono o Samoa
MULINU'U

Afioga e,

E tusa ai ma le *Tulafono o le Faatulagaina o Tofi Minisita ma Matagaluega 2003* ma Vaega 17 ma le 22 o le *Tulafono o le Ofisa Tausi Mavaega 1975*, ou te tu'uina atu ai ma le fa'aaloalo le Lipoti Faale Tausaga a le Ofisa Tausi Mavaega. O lenei ripoti o lo'o auiliili atu ai galuega fa'atino a le Ofisa mo le Tausaga Faaletupe na fa'amaeaina i le aso 30 Iuni 2025.

Ma le fa'aaloalo,


Afioga Puga Teomatavui Talalelei Puga
MINISITA MO LE OFISA TAUSI MAVAEAGA

FA'AMATALAGA A LE FA'ALAPOTOPOTOGA

Tōfā Mamac



Ia avea le Ofisa Tausi Mavaega ma Fa'alapotopotoga e fa'amuamua i faiga filifiliga mo auaunaga tau esetete ma tausii mavaega i totonu o Samoa.

Manulauti



O le ofoina atu lea o Auaunaga tau tomali faapitoa, ma le tutoatasi i galuega tau esetete ma tausii mavaega i tagata lautele o Samoa.

Matafaioi Autu



E pei ona aiaia i lalo ole Tulafono a le Tausi Mavaega a le Mālō 1975, o matafaioi autu nei a le ofisa:

- Fa'amaapeina o esetete a ē ua maliliu
- Auaunaga fa'atausi mavaega
- Tapenaina ma le tusia o mavaega
- Vaaia lelei ma le fa'afaigaluegaina tatau o tupe

Ta'iala Fa'avae ma Aga Tausii



O nei aga tausii e tāua mo le ausiaina o le Manulauti a le Ofisa ma ia mautinoa ai le lelei o le tali atu i matou tagata o tausii:

- **Fa'atinoga maoa'e:** O le matafaioi patino o le tuuina atu o le auaunaga ma le amiotonu, faaaoga tatauina o tomali faapitoa, ma taussia aga tausii.
- **Agaalofa:** O le silafia o lu'itau faalelagona e feagai ma le faamaapeina o esetete, ina ia faamautinoa e tuuina atu le tau'au fesoasoani ma le lagona alofa ma le finagalo malamalamala, mo matou tagata o tausii, ao feagai ai ma le faamaapeina o a latou esetete.
- **Avanoo:** Ia matou mautinoa e faigofie ona maua e tagata uma o Samoa la matou auaunaga.
- **Manino:** Matou te talitonu i talanoaga manino ma le malamalama ma o matou tagata o tausii i itu uma o le faamaapeina o esetete ma ona vaega uma.

FA'ASINO AUTU

Saunoaga a le Taitaifono	2 - 3
Lipoti a le Tausi Mavaega	4 – 5
Va'aiga Aoaotetele	6 – 8
Vaega o Esetete ma Mavaega Tausi	9 – 11
Vaega o Tupe ma Tupe Teufa'afaigaluega	12 – 15
Lipoti a Sui Faatonu	16
Fa'amatalga tau Tupe ua fa'amaonia e le Suetusi 30 Iuni 2025	17 - 35

SAUNOAGA A LE TAITAIFONO



“O lo outou galulue fa’atasi ma le lotogatasi ua mafai ai ona siitia le tulaga a le ofisa e tusa ai ma ona matafaioi autū.”

E tusa ai ma Vaega 17 ma le 22 ole Tulafono o le Ofisa Tausi Mavaega a le Mālō 1975, ou te tu’uina atu i le Fono Aoao Faitulafono, le Lipoti Fa’aletausaga ma Fa’amatalaga Tau Tupe ua faamaonia e le Suetusi, a le Ofisa Tausi Mavaega a le Mālō (“O le Ofisa”) mo le tausaga na faaiuina i le aso 30 Iuni 2025.

O lenei lipoti o lo’o fa’amatalaina ai le oototoga o galuega fa’atino a le Ofisa ma lana matāfaioi tāua o le avea ma Tausi Mavaega a le Mālō mo le tautuaina tagata Samoa. O lo’o oototoina ai foi le Fa’aaogaina o Tupe a le Ofisa ma fa’ai’uga autū o galuega mai le aso 1 Iulai 2024 i le aso 30 Iuni 2025, fa’atasi ai ma lu’itau sa feagai ma vaega ta’itasi i totonu o le Ofisa.

O lo’o fa’aauau pea le fa’afoeina e le Ofisa o esetete tuai ua tele augātupulaga, o se lu’itau tele lea o lo’o feagai nei ma le Ofisa. O le faamaapeina o nei esetete e masani ona tuai ona o le faatua ona tu’uina mai o fa’amaumauga talafeagai mo galuega moomia, e i latou e faamanuiaina. O le fa’amaeaina o nei esetete ua atili tuai ona o le lē totogiina o pili a le Ofisa.

I le taumafai ai e fō’ia nei lu’itau, ua amata fa’atinoina e le Ofisa se iloiloga o le Tulafono a le Tausi Mavaega a le Mālō 1975. O lenei iloiloga auiliili e tapena ai suiga fa’aletulafono e mana’omia mo le siitia o le auaunaga a le Ofisa. E ui i nei lu’itau, ae o lo’o tumau pea le

fa’amuamua a le Ofisa i lana manulauti i le fa’afoeina o esetete.

Ou te fiafia e folasia vaega autū e fa (4) o lo’o fa’aauau pea ona tulimata’ia le taunu’uga e tusa ai ma le Fuafuaga Autasi a le Ofisa 2025 - 2027 i le mafai lea ona gafataulima e le Ofisa ona fa’atupe ana auaunaga ma ia aupito sili ona lelei le fa’afoeina o esetete.

1. Fa’aleleia le fa’afoeina o galuega tau Esetete ma Mavaega Tausi:

O lo’o fa’aauau pea e le Ofisa le fa’amuamua o le fa’aleleia o ana galuega tau esetete fa’apea mavaega tausī. E aofia ai le tausia o taimi talafeagai i le fa’agasoloina ma le vaevaeina o esetete fou fa’apea ai le fa’atonutonuina o mataupu tuai o lo’o galulue ai le ofisa i le taimi nei. O nei taumafaiga uma e matuai tāua tele mo le fa’aleleia o le tu’uina atu o le tautua a le ofisa ina ia fa’amalieina uma mana’oga o tagata fa’apea isi pa’aga o le Ofisa.

2. Fa’aleleia le Aoina mai o Aitalafu ma Pili tu’ua mai Esetete:

O le toe aoina mai o aitalafu ma pili tu’ua mai esetete o se tasi lea o sini taua ua fa’ata’atia e le Ofisa. O lo’o fa’atautaia e le Ofisa iloiloga fa’aauau ma fa’atinoina auala eseese e fa’ataula’i tonu i aitalafu nei ina ia si’itia ai le tupe e aoina, ina ia ausia ai ni taunu’uga e sili atu. O le fa’amalosia o lenei vaega e matuai tāua tele e lagolago ai ona gafatia e le ofisa fa’ataunuuina o ana galuega mai tupe maua, fa’apea le fa’amautu o le vaaia lelei ma le fa’afoeina tatau o tupe a esetete.

3. **Fofu mo vaega o Nonogatupe:** O lo’o fa’aauau pea e le Ofisa iloiloga masani i ana vaega o nonogatupe, ma nisi o auala eseese e ona toe aoina

mai ai paleni o nonogatupe o lo'o totoe. Ua fa'amalosia taumafaiga mo le aoina mai o nei aitalafu, fa'atasi ai ma le fa'aauauina o le feso'ota'i o tagata e onaina nei aitalafu ina ia mautinoa ai le fa'aitiitia o nonogatupe o lo'o totoe. E faia se iloiloga mae'ae'a i nonogatupe ta'itasi e fuafua ai pe mafai ona toe maua mai, ma tu'uina atu fautuaga i le Komiti Fa'atonu mo le toe iloilo ina ma le fa'amaoniaina. O lenei fuafuaaga, e fa'aleleia ai le puleaina o veaga tau tupe a le ofisa, faapea ma le faia o fa'ai'uga ua iloilo ina ma le toto'a.

4. Maua se Fale tumau mo le Ofisa: Ina ia fa'amalosia le mautu o faiga fa'atino ma fa'aitiitia tupe fa'aalu a le ofisa i le lumana'i, o lo'o fa'agasolo e le Ofisa ni fuafuaga e fa'atau ai sona lava fanua ma le fale. O le umia o sona lava nofoaga e fa'amutaina ai tupe fa'aalu mo le totogiina o lisi, ma mafai ai ona toe fa'asoa atu i le fa'aleleia o auunaga a le ofisa. O se nofoaga fa'aonaponei ma le tausiga lelei, o le a fa'amalosia ai le va'aiga lautele a le Ofisa ma fa'amautuina talitonuga o pa'aga, faapea foi ma le maua o aseta t'ua mo le lumana'i, e mafai ono si'itia lona tau. O lenei fuafuaga o le a fa'aleleia atili ai le malosi fa'atulagaina o le Ofisa, fa'aleleia le tu'uina atu o auunaga, ma lagolagoina manaoga tau atina'e lautele o le mamalu o le atunuu o Samoa.

E talitonu le Ofisa, e iai lava taimi e lē o gatasi ai le futia ma le umele, e afua ai ona faia suiga i taimi fa'atulagaina mo galuega a le Ofisa. Ae peita'i, o le a lē avea lea ma auala e fa'aitiitia ai le auunaga ma le galulue punoua'i ina ia ausia a matou sini.

E momoli atu le fa'afetai i le tama'itai Tausi Mavaega, Afioga Tuitoga Christina Faitele-Asi, le Pulega, fa'apea le aufaigaluega atoa a le Ofisa Tausi

Mavaega mo lo outou tautua matavela, tomai fa'aalia, fa'apea a outou galuega lelei uma na fa'atinoina i le tausaga atoa. O lo outou galulue fa'atasi ma le lotogatasi ua mafai ai ona siitia le tulaga a le ofisa e tusa ai ma ona matafaioi autū.

Ou te fia fa'aalia foi la'u faafetai i le Komiti Faatonu o Tupe Teu Faafaigaluega a le Ofisa Tausi Mavaega mo la latou fa'atōfala'iga ma le lagolagosua. E lē gata i lea, e momoli atu la'u faafetai tele i pā'aga ma Matagaluega mo lo latou so'oso'o tau'au mai i galuega a le Ofisa.

Mulia'i se upu, e ao ona momoli le agaga faafetai tele i le Sui Palemia ma le Minisita o le Ofisa ua tuana'i atu, le Afioga Tuala Tevaga Iosefo Ponifasio, fa'apea le Minisita fou mo le Ofisa ile taimi nei, le Afioga Puga Teomatavui Talalelei Puga ona o lo ouluga lagolago lē motusia a o fa'atonutonu folau le Ofisa i lu'itau o le tausaga fa'aletupe o lipotia ma le ausia o ana ālāfua.

Ma le fa'aaloalo lava,


(Afioga Afoa Lemauga Saleimoa Charlie Vaai)

TAITAI FONO – Komiti Faatonu o Tupe Teu Faafaigaluega

LIPOTI A LE TAUSI MAVAEAGA



“O taunuuga lelei na ausia i lenei tausaga o se molimau i le galulue fa’atasi, punoua’i fa’apea le lotogatasi o le aufaigaluega, ma o lo’o fa’aauau pea ona siitia ai le gafatia e le Ofisa ona tautua ai le mamalu o le atunu’u o Samoa”

Ou te tuuina atu ma le agaga faafetai le Lipoti Faaletausaga a le Ofisa Tausi Mavaega 2024/2025. E tele lava lu’itau faatasi ai ma le tele o nisi o suiga lelei i le Ofisa i lenei tausaga ina ia ausia ana fuafuaga ma sini fa’atutu. O taunuuga lelei na ausia i lenei tausaga o se molimau i le galulue fa’atasi, punoua’i fa’apea le lotogatasi o le aufaigaluega, ma o lo’o fa’aauau pea ona siitia ai le gafatia e le Ofisa ona tautua ai le mamalu o le atunu’u o Samoa

Fuafuaga Autasi 2025/2027

I lenei tausaga fa’aletupe, na tu’ufa’atasia ma fa’amaonia ai Fuafuaga Autasi mo le Ofisa Tausi Mavaega mo le vaitausaga 2025 - 2027, ma fa’amanino mai ai sini fa’atutu, fa’amoemoega ma galuega fa’ata’atitia e ta’iala ai galuega fa’atino a le ofisa. O lenei tausaga o le a amatalia ai le vaega muamua o nei fuafuaga Autasi, ma ua fa’amalosia le aufaigaluega e galulue fa’atasi ina ia mautinoa le ausia o nei sini taua fou.

Tautuaina o Tagata Samoa

E tusa ai ma lu’itau o tausaga faaletupe ua tuana’i, o loo fa’aauau pea ona mata’itū e le Ofisa le fa’atupula’ia o le lelei o le faatinoina o ana matafaioi autu aua le fa’aleleia o le auaunaga. O nei matafaioi autu e aofia ai le fa’ama’apeina o esetete a ē ua maliliu, auaunaga fa’atausi mavaega, tapenaina ma le

tusia o mavaega, fa’apea le vaaia lelei ma le fa’afaigaluegaina tataua o tupe.

I totonu o lenei tausaga fa’aletupe:

- E 44 esetete fou ae 2 mavaega tausī fou sa tatalaina.
- E 28 esetete ae 2 mavaega tausī na tapunia.
- E 23 mavaega sa tusia ma resitalaina ae 14 mavaega na toe fai iai suiga.
- O tupe a esetete, mavaega tausī fa’apea tauī o lo’o teufa’afaigaluega i le Ofisa o Fa’aputugatupe Teufa’afaigaluega o Mavaega Tausī a Samoa (le “UTOS”) na mafai ona ausia isi tupe fa’asili e **\$95,237**. E le gata i lea, o le siitia i tupe maua mai i tupe teufa’afaigaluega i le UTOS e **\$147,728.96**, ma na toe siitia atili ai tupe teufaafaigaluega ina ua toe fa’atauina ai isi iunite fa’aopopo e **78,134**.

Aotelega o Fa’atinoga Tau Tupe

Na ausia e le Ofisa ni taunu’uga lelei tau tupe mo le tausaga fa’aletupe 2024/2025. Ua si’itia fa’asiliga o meatotino i le tolu pasene (3%) pe a fa’atusatusa i le 2024. O tupe maua autū e lua (Tupe maua ai le fa’ama’apeina o esetete ma komisi) na si’itia i le fitu pasene (7%), o isi tupe maua fa’apea ma tauī mai tupe teu fa’afaigaluega i le UTOS na si’itia i le luasefulutolu pasene (23%). O tupe isi tupe fa’asili na si’itia maua i le selau tolusefulufitu pasene (137%), ma na mafua ai le si’itia o aofaiga o tupe maua atoa i le sefulufa pasene (14%) pe a fa’atusatusa i le 2024. Na si’itia fo’i ma tupe maua mamā poo tupe faasili (net profit) i le ivasefulutolu pasene (93%).

Tagata ma Aganu’u Fa’alapopotoga

O lo’o tumau pea lo matou naunau e fausia se si’osi’omaga saogalemu, e aofia ai tagata uma, ma lagolagoina ai le aufaigaluega. I le tausaga nei, sa toe

iloiloina ai ma tu'ufa'atasia ai nisi o tusi taiala t̄ua ma faiga fa'avae a le Ofisa, e aofia ai:

- Tusi Ta'iala mo Galuega a le Afaigaluega.
- Faiga Fa'avae mo Feso'ota'iga e Ono Aafia ai le Fa'amaoni.
- Faiga Fa'avae mo le Saogalemu ma le Soifua Maloloina o le Ofisa faigaluega.
- Faiga Fa'avae ma le Fuafuaga mo le Puleina o Aseta a le Ofisa.
- Faiga Fa'avae mo Tagi ma Faitioga.
- Siata o Auaunaga a le Ofisa Tausi Mavaega

O lo'o taula'i pea taumafaiga a le ofisa i le atina'eina ma le fa'alateleina o le tomai o le afaigaluega, ina ia mautinoa le tu'uina atu o auaunaga lelei i le fa'ama'apeina o esetete fa'apea auaunaga fa'atausi mavaega mo le mamalu o le atunu'u.

Vaega Taula'i Fa'ata'atitia

E tusa ai ma le matou tautinoga faifaipea, o lo'o fa'aauau pea ona ave le fa'amuamua a le Ofisa i le siitia lea o auaunaga i mataupu tau esetete, le fa'aleleia ma le fa'amaapeina lea o esetete ua tausagā i totonu o le Ofisa. O isi foi o vaega autū o loo ave iai le fa'amamafa a le Ofisa e aofia ai le aoina o aitalafu, le mata'itūina o teugatupe teufa'afaigaluega ma le iloilo lea o vaega uma tau faigaluega, ma le iloilo lea o faiga faavae ina ia puipuia ai nei teugatupe fa'afaigaluega.



O lo'o taula'i pea le vaai a le Ofisa i le tausisia o le tulaga maua o le fa'amalieina o suli ma tagata o le atunu faapea le fa'atinoina o le fa'ama'apeina o esetete i se

taimi vave. O nei vaega e t̄ua tele i le tausisia o le fa'atuatuga, manino, ma le tali atu i tiute i le fa'atinoina o la matou tautua.

Saunoaga Fa'ai'u ma le Fa'afetai

E momoli atu ai le agaga fa'afetai tele i le Afioga i le Sui Palemia ma le Minisita mo le Ofisa Tausi Mavaega ua tuana'i atu, Afioga Tuala Tevaga Iosefo Ponifasio, fa'apea le Minisita fou mo le Ofisa Tausi Mavaega, Afioga Puga Teomatavui Talalelei Puga ma le Komiti Fa'atonu o Tupe Teu Fa'afaigaluega a le Ofisa mo lo outou titifaitama ma lo outou lagolagosua malos i lenei tausaga.

E le gata i lea, ou te momoli atu la'u fa'afetai tele i tagata taitoatasi ma Faalapotopotoga uma, e le gata i pisinisi tuma'oti a o Matagaluega a le Malo, mo lo latou sao t̄ua ua mafai ai ona matou tuuina atu lenei auaunaga t̄ua mo lo tatou atunu.

Mulimuli ane, ou te fia momoli atu la'u fa'afetai fa'apitoa i le pūlega, aemaise lava i le afaigaluega mo latou galuega fitā, ta'utinoga, ma vaega uma na ausia i lenei tausaga.

Ma le fa'aaloalo lava,

(Tuitoga Christina Faitele-Asi)

TAUSI MAVAEGA

VA'AIGA AOAOTETELE

O le Ofisa Tausi Mavaega a le Mālō sa fa'avaeina mai i le 1920 i le vaitaimi o Pūlega a Niu Sila. I le tausaga 1975, sa pāsia ai le Tulafono a le Ofisa Tausi Mavaega a le Mālō 1975 ("le Tulafono") ma sa fa'atūina aloa'ia ai le Ofisa. E tusa ai ma vaega o lenei Tulafono ma isi Tulafono talafegai o loo limata'ita'iina ai galuega a le Ofisa, o ana galuega autū o le fa'amaapeina lea o esetete, vaaia lea o teugātupe tau mavaega ma le tapenaina o mavaega.

Fa'avae Fa'aletulafono ma Pūlega

O le Ofisa Tausi Mavaega a le Malo o se Fa'alapotopotoga Tuma'oti e pūlea atoa e le Mālō mo tagata Samoa, ma ua fa'avaeina fa'atulafono e avea o se fa'alapotopotoga tumaoti e tusa ai ma le Tulafono o Fa'alapotopotoga a le Malo 2021. O lo'o fa'avasegaina o se Fa'alapotopotoga Tuma'oti a le Malo i lalo o le Tulafono a Fa'alapotopotoga a le Malo (Faatinoga o Galuega ma le Mafai ona Tali Atu) 2001, o lo'o fa'atāua ai lana ta'utinoga fa'aletulafono i galuega a le Mālō ma le mafai ona tali atu.

O tiute ma matāfaioi fa'a-le-esetete a le Ofisa o loo ta'iala mai i Tulafono nei:

- Tulafono o le Ofisa Tausi Mavaega a le Mālō 1975
- Poloaiga a le Ofisa Tausi Mavaega a le Mālō 2014
- Tulafono o le Pūlea 1975
- Tulafono o Mavaega 1975
- Tulafono o Mavaega Tausi 2014

I le avea ai o le Ofisa o se Fa'alapotopotoga Tuma'oti a le Malo, o lo'o aiaia foi i lalo o lana Tulafono le fa'atautaia o ana galuega e tusa ai ma isi tulafono o lo'o tā'ua i lalo, ma le fa'amoemoe autū ia maua tupe fa'asili ma ia mafai ona fa'amanino ma fa'ailoa lona tulaga tau tupe:

- Tulafono a Fa'alapotopotoga a le Mālō (Fa'atinoga o Galuega ma le Mafai ona Tali Atu) 2001
- Tulafono a Kamupanī 2001
- Tulafono Autū a Pūlega o Tupe a le Mālō 2001
- Tulafono Fa'atonutonu a le Pūlega o Tupe a le Mālō 2002
- Faiga Fa'avae o Tupe Maua mai Tupe Faasili/ Faiga Fa'avae o Pasene o le Tupe Maua mai Tupe Faavae 2018

FA'ATULAGAGA O LE FA'ALAPOTOPOTOGA A LE OFISA TAUSI MAVEGA.


O le fa'atulagaga a le fa'alapotopotoga o lo'o mafai ona fetu'utu'una'i ma toe iloilo e le Komiti Faatonu fa'avaitaimi ina ia mautinoa ai le fa'aleleia o auaunaga e pito sili ona lelei mo le tautuaina o tagata Samoa. I lalo o lenei fa'atulagaga, o lo'o fa'agaioi ai le Ofisa i Vaega autū e e lua (2): O le Vaega o Esetete ma Teugatupe Tau Mavaega ma le Vaega o Tupe ma Tupe Teu Fa'afaigaluega.

Vaega o Esetete ma Mavaega Tausi: O lenei vaega e gafa ma galuega autū a le Ofisa e iai le fa'ama'apeina o esetete, vaaia lelei o mavaega tausi fa'apea le faia o mavaega

Vaega o Tupe ma Tupe Teufa'afaigaluega: O lenei vaega e faia galuega lagolagosua i le fa'afoeina lelei o galuega, vaaia o tusi ma le aoina o aitalafu, mataupu tau tekonoosi ma le mata'itūina o tupe teu fa'afaigaluega.



Fa'atulagaga o le Fa'alapotopotoga a le Ofisa Tausi Mavaega.



O le a nafa le Tausi Mavaega ma le iloiloaina o le fa'atulagaga o le fa'alapotopotoga i lea taimi ma lea taimi ina ia mautinoa ai le o gatasi ma mana'oga a le Ofisa i le fa'atinoina o ona tiute.


aofia ai tagata uma ma le tutusa o avanoa mo itupa uma i vaega eseese o le fa'alapotopotoga.


Otootoga o le Va'aiga o Tagata Faigaluega

I le mae'a ai o lenei tausaga fa'aletupe 2024/2025, sa fa'afaigaluega ai e le Ofisa se aufaigaluega e toa sefulu ma le fa (14), e aofia ai aufaigaluega fa'akonekarate e tolu (3) ma le sefulu ma le tasi (11) o tagata e faigaluega tumau.

O lenei fa'atulagaga o lo'o atagia mai ai se si'osi'omaga faigaluega paleni ma e aofia ai tagata uma, ma o lo'o aofia ai le 57% o tamaitai ma le 43% o ali'i o le aufaigaluega. O lo'o fa'ailoa mai ai foi le naunautaiga o le Ofisa ina ia fausia se si'osi'omaga e

FA'ATULAGAGA O LE AUFaIGALUEGA I ITUAIGA (KENERA)





I lenei fa’atulagaga, e tusa ma le afa ole aufaigaluega (50%) o loo i le vaitausaga 20-29. O le isi 35% o le aufaigaluega lo’o i le vaitausaga 30-49, ae o le isi 14% o lo’o i le vaitausaga 50 tausaga ma luga atu. O lenei fa’atulagaga tau tausaga o lo’o atagia mai ai se vaega malosi o tagata faigaluega o lo’o fa’atoa amata a latou matata faigaluega, fa’atasi ai ma se vaega o tagata faigaluega ua leva ma ua loa le tomai ma lo latou silafia ma e fa’aauau pea le fa’atuatuaina i galuega, ma avea i latou ma ta’ita’i ma fa’ata’ita’iga lelei i totonu o le fa’alapopotoga.

TOFIGA FOU	ASO TOFIA
1. Ofisa o Esetete ma Mavaega Tausi	12 Iulai 2024
2. Ofisa o Esetete ma Mavaega Tausi	19 Aukuso 2024
3. Ofisa o Esetete ma Mavaega Tausi	27 Ianuari 2025
4. Ofisa Autu o Tupe ma Tupe Teufa'afaigaluega	03 Fepuari 2025
5. Ofisa o Tekonolosi	10 Iulai 2024

O tofiga fou nei o loo atagia mai e 28% i latou ua tōfia i nei tofiga, ma ua tele ai tagata faigaluega a le Ofisa pe a fua i tausaga ua mavae.

FA'AMAVAE	ASO NA FA'AMAVAE AI
1. Ofisa o Esetete ma Mavaega Tausi	19 Iulai 2024
2. Tausi Mavaega Lagolago	29 Novema 2024

3. Ofisa o Esetete ma Mavaega Tausi	22 Novema 2024
4. Ofisa Autu o Esetete ma Mavaega Tausi	19 Fepuari 2025
5. Faufautua Fa'aletulafono	13 Iuni 2025
6. Ofisa o Tekonolosi	13 Iuni 2025

Na maitauina e le Ofisa le siitia maualuga o le ao fa’i o tagata faigaluega na fa’amavae i totonu o le tausaga o lipotia. E to’alima (5) na faamavae ma le to’atasi (1) o korokarate na fa’amaeaina pe a fa’atusatusa i le na’o le toalua (2) na fa’amavae i le tausaga ua mavae. E atagia mai ai le toatele o tagata faigaluega e fa’amavae ona o nisi o avagoa faigaluega e sili atu fa’apea totogi e maualuga atu.



TULAGA	ASO NA AVANOA AI	UMI NA AVANOA AI
Tausi Mavaega Lagolago	02 Tesema 2024	7 masina
Ofisa Autu o Esetete ma Mavaega Tausi	20 Fepuari 2025	4 masina
Faufautua Fa'aletulafono	16 Iuni 2025	2 vaiaso
Ofisa o Mataupu Tau Tekonolosi	16 Iuni 2025	2 vaiaso

VAEGA O ESETETE MA MAVAEGA TAUSI

O le Vaega o Esetete ma Mavaega Tausi, o loo nafa ma matafaioi autū a le Ofisa, ma e i lalo o le vaavaaiga a le Tausi Mavaega Lagolago. E to’aono (6) le aufaigaluega o loo lisi atu i lalo:

TULAGA	NUMERA
Ofisa Autu o Esetete ma Mavaega Tausi	1
Ofisa Sinia o Esetete ma Mavaega Tausi	1
Ofisa o Esetete ma Mavaega Tausi	4

I totonu o le tausaga fa’aletupe, na avanoa ai le tofiga Tausi Mavaega Lagolago i le faaiuga o Novema 2024 ma e le i toe faatumuina e oo mai lava i le aso 30 Iuni 2025. Ona o lea, sa lipoti sa’o ai galuega a le Vaega o Esetete ma Mavaega Tausi i le Tausi Mavaega ma sa maua foi le lagolago mai le Pulega i taimi e moomia ai.

PULEA O ESETETE


Faamatalaga	Numera o faila	
	TF2024	TF2025
Amataga o le Tausaga Faaletupe	296	283
Esetete fou	36	44
Esetete ua mae’a ma tapunia	49	28
Faaiuga o le Tausaga Faaletupe	283	299

Na amata le piliota lipotia a le Vaega o Esetete ma Mavaega Tausi i le 283 esetete. I totonu o le TF2025, na taulimaina e le Ofisa faatonuga ina ia pulea ai esetete fou e 44, ae faai’uina ma le manuia ma tapunia ai faila e 28. E oo mai i le aso 30 Iuni 2025, ua 299 esetete o loo i lalo o le pulega a le Ofisa ma o loo atagia mai ai le siitaga e sefulu ma le ono (16) o esetete e faatusatusa atu i le amataga o le tausaga faaletupe.

Aseta Tinoitupe ma Tupe Maua

I le faai’uga o le tausaga faaletupe, na maua ai e le Vaega o Esetete ma Mavaega Tausi le aofa’i o tupe

maua e **\$635,242** o loo faailoa mai ai le siitiaga e **\$41,552** (7%) faatusatusa atu i le tupe maua o le tausaga talu ai e **\$593,690**. O le aofaiga o tinoitupe o loo umia e le Ofisa mo esetete o loo faagasolo le puleaina e tusa lea ma le **\$3,701,685** ae o le tau o isi aseta o esetete e le o lipotia i totonu o faamatalaga tau tupe sa fuafuaina e tusa ma le **\$105,927,035**.



E tāua tele le malamalama, o le “tupe faasili” (profit), e le o maua mai i ni fefaataua’iga faapisinisi, ae o loo maua mai i pili e aoina mai mo le pulea ma le faamaapeina o esetete ma mavaega tausi. O le natura o le matou galuega, e iai lava lu’itau, e pei o:

- **Faatu'ai ona tuuina mai o Pepa mana’omia:** O le faamaapeina o esetete i se taimi vave e masani ona faatelegese pe a lē tuuina mai e i latou ua faamanuiaina pepa e moomia, ma mafua ai ona lē mafai ona faamautū ma aoina vave mai pili.
- **Sailia o e faamanuiaina:** O le tele o esetete e aofia ai tagata e faamanuiaina se toatele, o nisi e matua’i faigata ona maua, ma atili toso atu ai lava i tua le taimi e faamaape ai nei esetete.
- **Faatu'ai le totogiina mai o Pili:** E tusa lava pe mae’a ona faamautū pili totogi, ao le aoina mai, e

ono faatuai ona o mafuaaga e pei o le tulaga tau tamaoaiga o i latou e faamanuiaina poo ni fe’ese’esea’iga i le va o sulī.

- Faalagolago i tulaga i fafo atu:** O le gafatia e le Ofisa o le faamae’aina o esetete ma le aoina mai o pili e masani ona faalagolago i isi faagasologa i fafo atu, e pei o faai’uga a le faamasinoga, toe fuaina ma le vaevaeina o fanua, fe’ese’esea’iga faaletulafono, poo le faatauina o aseta o le esetete, o nei mea uma e ono umi ma lē mafai ona mate’ia.

Ao faaauau pea ona taumafai e faatulaga le faagasologa o galuega, o nei tulaga i fafo atu e iai lona aafiaga ogaoga i le tulaga tau tupe faaletausaga a le Ofisa.

PULEGA O MAVAEGA TAUSI

Faamatalaga	Numera o faila	
	TF2024	TF2025
Amataga o le tausaga	94	92
Faila fou	0	2
Faila ua tapunia	2	2
Faai’uga o le tausaga	92	92

I le amataga o le tausaga faaletupe, e iva sefulu lua (92) mavaega tausī sa pulea e le Ofisa, i lona tau aofa’i e \$254,036. I totonu o le piliota lipotia, e lua faila fou na tatala, e lua foi faila na tapnuia, na maua ai le aofa’iga o faila e iva sefulu lua (92) i le faai’uga o le tausaga, i lona tau aofa’i e \$306,849.

MAVAEGA

Faamatalaga	TF2024	TF2025
Amataga o le tausaga faaletupe	1,405	1,464
Mavaega fou	59	23

Aofaiga o mavaega i le faaiga o le tausaga	1,464	1,487
Mavaega na toe fai suiga	16	14

Na amata le tausaga faaletupe e 1,464 mavaega o loo iai i faamaumauga. I totonu o le piliota lipotia, e 23 mavaega fou na tapenaina ma resitala, lea na faai’uina ai le tausaga o loo iai mavaega e 1,487 o loo teuina e le Ofisa. E 14 Mavaega na faia suiga i lea vaitaimi.

O loo atagia mai ai se siitaga i le numera o mavaega o loo umia i faamaumauga a le Ofisa i le faaiuga o le tausaga, ma o loo atagia mai ai le faaauau pea o fesoota’iga ma le Ofisa e ala i lana auaunaga tau mavaega.

Lu’itau: Vaega o Esetete ma Mavaega Tausi

Na feagai le Vaega o Esetete ma Mavaega Tausi ma nisi o lu’itau i totonu o le piliota lipotia na aafia ai le lelei faafoe ma le vave faamae’aina o le puleaina o esetete. O nei lu’itau e aofia ai:

a) Mataupu Lavelave o Tagata Faamanuiaina: E tele ni esetete tuai o loo tula’i mai ai le lavelave ona o le toatele o sulī ua maliliu, mai le augatupulaga muamua, lua ma le tolu, e moomia ai su’esu’ega auilili ina ia iloa ma fesoota’l ai i sulī moni.

e) Tausisi o e ua Faamanuiaina: O le umi ma tuai o le faamaapeina o esetete e afua mai i le lē usita’ia e tagata ua faamanuiaina o le tuuina mai o pepa moomia. O le lē tuuina mai o nei pepa e masani ona taofia ai le faagasologa o galuega.

i) Sa’ilia o Tagata Faamanuiaina: O le lē maua o nisi fanau, poo e ua faamanuiaina, a i latou ua maliliu, na avea ma faafitauli tele, ma manaomia ai le fa’aaogaina o le tele o meatotino a le Ofisa ina ia tau sa’ilia ai i latou ma maua se fesoota’iga.

o) Totogi o Pili tuua: O le faatuai o le totogiina o pili e i latou ua faamanuiaina poo ni o latou sui, na aafia ai le faamae'aina o faila esetete, auā e le mafai ona faamae'aina sei vaganā ua faamalieina ia vaega.

u) Toe Faatulagaga ma le Vaevaeina o le fanua: O eseete o loo aafia ai fanua, e masani ona tuai ona o le faagasologa o le toe fuaina ma le vaevaeina o fanua, ona e moomia ona galulue faatasi ma ofisa i fafo ma e fua i luga o aiaiga faaletulafono.

f) Fe'ese'esea'iga Faaletulafono: O nisi o esetete e le i fo'ia ona o loo aafia i fe'ese'esea'iga faaletulafono, ma manaomia ai le galulue ma itutino o le Faamasinoga ma le mulimulita'ia o faatonuga a le Faamasinoga, ma faaumiumi ai pea le taimi mo le faamaapeina o esetete.

Ala i luma / Fofō

Ina ia faaititia nei lu'itau ma faaleleia atili le faatinoga o galuega a le Vaega o Esetete ma Mavaega Tausi, o le a faatinoina nei fuafuaga:

a) Iloiloga o le Tulafono mo le Faaleleia o le Faafaeina o Galuega: I le iloa ai o le mana'oga e faafaigofie ai le puleaina o esetete, ua amata le toe iloiloina e le Ofisa o le Tulafono a le Ofisa Tausi Mavaega a le Malo 1975. O lenei taumafaiga e aafia ai faatalatalanoaga ua fuafuaina ma le Komisi o le Toe Fuata'iga o Tulafono o Samoa, e fautuaina ai suiga e mafai ai ona faia se taimi faatulaga mo sulī, poo e faamanuiaina, e faaulu mai ai a latou talosaga. A mae'a le faai'uga o lea taimi faatapulaa, o le a aga'i loa le Ofisa e faamaape le esetete ia i latou ua usita'ia le taimi faatulagaina.

e) Iloiloga Masani o Faiga Faavae ma le Faagasologa o Galuega: Faatautaia iloiloga faavaitaimi o faiga faavae ma le faagasologa o galuega ina ia iloa ai vaega mo le faaleleia ma ia

faamautinoa le ogatasi ma faiga sili ona lelei mo le pulea o esetete.

i) Usita'ia o Taimi Faatulaga mo le Tuuina mai o Pepa: E tusa ai ma faiga faavae a le Vaega o Esetete ma Mavaega Tausi, o le a faamalositia le taimi faatapulaa e tasi (1) le masina mo le tuuina mai o pepa uma e moomia. O esetete e lē usita'ia leni taimi, o le a tapunia ma faatulaga i lalo o le vaega o "Mataupu To'a" ("Inactive Portfolio").

o) Faafaigofieina o le Faagasologa o le Aoina o Pili: Vave faailoa i tagata faamanuiaina pili fuafuaina a le Ofisa ma faatino ni totogi faatulaga ma taimi manino e fesoasoani ai i tagata o loo feagai ma tulaga faigata o le tamaoaga.

u) Galulue Faatasi i Mataupu tau Fanua: Fausia ni faiga paaga malosia ma Pulega o fanua ma eleele ma tagata o loo nofoia fanua ina ia faaleleia le faagasologa o le fuaina ma le vaevaeina o fanua.

f) A'oa'oga ma Atina'e Fa'aaauu mo Esetete, Mavaega ma Mavaega Tausi: E tautino le Ofisa e tuuina atu a'oa'oga fa'aaauu ma atina'e le aufaigaluega ina ia mautinoa le lelei faatautaia o esetete faigata, ma malamalama lelei i le faatulagaga fou a le faalapopototoga. O leni tautinoga e aafia ai le fa'aaogaina o tomā faapitoa mai fafo, e pei o le faafaigaluegaina o se tagata faigaluega fua e leai se totogi mai Ausetalia o loo iai le tomā faaletulafono, e tuuina mai ai fautuaga ma a'oa'oga mo le Vaega o Esetete ma Mavaega Tausi.

g) Faaogaina o Tekonolosi: Su'esu'e ma faatino ni auala faatekonolosi e faaleleia atili ai le faatautaia o mataupu, siakiina o pepa, ma fesoota'iga, ina ia faaleleia atili ai le faafaeina o galuega, ma faaititia ai faafitauli. E ono aafia ai se faia o se auala faafae faapitoa mo le pulea o esetete (dedicated estate management system).

VAEGA O TUPE MA TUPE TEUFA’AFAIGALUEGA

O le Vaega o Tupe ma Tupe Teufa’afaigaluega e nafa ma le fa’afoeina o galuega tau tupe a le Ofisa fa’atasi ai ma ana galuega lagolago taua, e aofia ai Puipuiga o Tagata Faigaluega, Pulega, Fa’amaumauga, Femalagaina, Puleaina o Teugatupe Teufa’afaigaluega, Tekonolosi ma le vaega o nonogatupe a le ofisa mai tausaga ua tuana’i. O lenei vaega o lo’o taita’ia e le Fa’auluuluga o Mataupu tau Tupe ma Tupeteufa’afaigaluega, o se tasi o tulaga sa avanoa talu mai Fepuari 2024 ma sa fa’atumuina i le ogatotonu o le masina o Aukuso 2024. O lenei vaega o lo’o aofia ai isi tagata faigaluega e toa ono (6) e pei ona fa’ailoa atu i lalo;

Tulaga	Numera
Principal Finance & Investment Officer	1
Administration Officer	1
Accounts Officer	1
Information Technology (IT) Officer	1
Records Officer	1
Driver	1

AOTELEGA O FA’ATINOGA TAU TUPE 30 IUNI 2025.

O lenei vaega o lo’o tu’uina atu ai se iloiloga auiliili o le fa’atinoga tau tupe a le Ofisa mo le tausaga fa’aletupe na fa’ai’u i le aso 30 Iuni 2025, fa’atasi ai ma fa’amaumauga fa’atusatusa mai le tausaga fa’aletupe na fa’ai’u i le 30 Iuni 2024. O lo’o aotele atu nei vaega tāua o fa’amaumauga tau tupe i lalo;

FA’ATATAU	TF2024	TF2025	%↑or ↓
Tupe maua	\$1,285,503	\$1,294,658	1%
Tupe fa’aalu	\$1,295,537	\$1,373,979	6%
Isi tupe fa’asili	\$136,694	\$324,341	137%
Tupe mama	\$126,659	\$245,020	93%


Tupe teu fa’afaigaluega i le UTOS	\$8,410,944	\$8,844,339	5%
Aofaiga o Iunite	4,596,144	4,535,558	(1%)
Tau e talaina ai Iunite	\$1.83	\$1.95	7%

E pei ona fa’ailoa atu i luga, o Tupe mama a le ofisa na maitauina le siitia maualuga i lenei tausaga fa’aletupe i le **\$118,361, pe 93%** pe a fa’atusatusa atu i le tausaga ua mavae. O lenei siitaga maualuga e afua mai i le siitia o isi tupe fa’asili mai teugatupe teufa’afaigaluega a ole Ofisa ile UTOS e tusa ma le **\$187,647, pe 137%** na siitia mai ai ile tausaga ua mavae.

Ua siitia foi Tupe fa’aalu i le **6%** ma e afua mai ona o le fa’alateleina lea o le agava’a fa’agaioiga a le Ofisa e ala i le fa’avaeina ma le fa’atumuina o avanoa fou mo tagata faigaluega. O le mafuaaga lea o le si’itia tele o tau po’o le totogi o tagata faigaluega, lea na avea ma vaega iloga o le aofa’i o tupe fa’aalu a le Ofisa i totonu o lenei tausaga fa’aletupe.

Ua siitia le aofaiga o tupe teufaafaigaluega a le Ofisa i le UTOS i le **\$433,395 (5%)** i lona aofai atoa e **\$8,844,339**. Ae ua fa’aitiitia le aofai o iunite i le **60,586 (1%)** ina ua talaina i tua nisi o teugatupe mo esetete i totonu o le tausaga. Ua siitia le tau e talaina ai tua iunite i le **\$0.12 (7%)** ma maua ai lona tau e **\$1.95** i le iunite e tasi. O nei taunuuga o lo’o fa’ailoa mai ai le alualu i luma ma le siitia ai o taumafaiga a le ofisa aua

le fa'atuputupulaia o ana teugatupe teu fa'afaigaluega.



I lona aotelega, o le fa'atinoga tau tupe mo le TF2024/2025 o lo'o fa'amauinaina ai le siitia o teugatupe teufa'afaigaluega a le ofisa fa'apea le naunautauga o le ofisa ina ia siitia le aufaigaluega ma fa'apea tupe mama. Peita'i, o le siitia ai o tupe fa'aalu mo totagi o le aufaigaluega e o gatasi ma fuafuaga e fa'alateleina le aufaigaluega, o lo'o tu'uina ai le Ofisa i se tulaga malosi e fa'amalosia atili ai lona gafatia fa'aogaina ma le fa'atuatuaina o lona tulaga tau tupe i tausaga o lumana'i.

FA'ATUSATUSAINA O LE TALA O LE TUPE MA ILOILOGA O ESESEGA.

O lenei vaega o lo'o tu'uina atu ai se au'ili'iliga o galuega tau tupe a le Ofisa e fa'atatau i lana tala o le tupe mo le tausaga fa'aletupe na fa'ai'uina i le aso 30 Iuni 2024. O le siata o lo'o i lalo o lo'o aoteleina atu ai eseeseega autu:

FA'ATATAU	TALA O LE TUPE	AOFAIGA	ESESEGA
Tupe maua	\$1,244,208	\$1,294,658	Taliaina
Tupe fa'aalu	\$1,432,291	\$1,373,979	Taliaina
Isi tupe faasili	\$200,000	\$324,341	Taliaina
Tupe mama	\$11,917	\$245,020	Taliaina

Tupe Maua

O le Aofaiga o tupe mama na fa'amauina mo le tausaga fa'aletupe na fa'aiuina i le aso 30 Iuni 2025 ma sili atu nai lo tupe mama na fuafuaina. I le tala o le tupe, na fuafuaina ai tupe mama e **\$1,244,208**, ae na ausia e le ofisa tupe mama e **\$1,294,658**.

Iloiloga o isi Tupe Fa'asili

Pe a tauaofai tupe maua ma isi tupe fa'asili fa'amauina mo le tausaga fa'aletupe 2024/2025, o lona aofaiga e **\$1,618,999** (**\$1,294,658** aofai o tupe maua fa'apea isi tupe fa'asili e **\$324,341**), e sili atu nai lo'o le aofaiga na fuafuaina e **\$1,444,208** (**\$1,244,208 + \$200,000**) o se tulaga lelei ma taliaina e **\$174,791 pe 12%**. O lenei tulaga maua luga ua fa'amauina ai le malosi o le fa'atupuina o tupe maua i totonu o le tausaga fa'aletupe, ma fa'ailoa mai ai le lelei o ta'iala ma le malosi o le fa'atinoina o tupe, lea ua mafua ai ona sili atu nai lo va'aiga na fuafuaina.

Tupe Fa'aalu

Na faaalua e le Ofisa le pulea lelei o tupe fa'aalu i le tausaga faaaletupe, ma le aofaiga o tupe fa'aalu e **\$1,373,979**, lea e **\$58,312 (or 4%)** e maua lalo ifo nai lo le tala fa'atatau o le tupe e **\$1,432,291**. O nei eseeseega taliaina e atagia ai le manuia o le fa'atinoina o faiga fa'atonutonu ma le fa'aogaina lelei o punaoa tau tupe. O le mafai e le Ofisa ona galueina galuega tau Ofisa i lalo o le tala o le tupe, e fa'ailoa ai le lelei,

le agava’a ma le fa’aetete i le fa’asoaina o tupe ma le ausiaina o sini autu a le Ofisa.

Tupe Mama

O le i’uga o eseese taliaina i le aofa’i o tupe maua ma le aofa’i o tupe fa’aalu, na ausia ai e le Ofisa se tupe mama e **\$245,020**, e matua’i sili atu nai lo le tupe pa’u sa fuafuaina e **\$11,917** i le tala o le tupe. O lenei eseese taliaina e **\$233,103** o lo’o fa’aalia mai ai le lelei o le fa’atinoga o tupe, o le unaia o ala mo tupe maua ma le pulea lelei o tupe fa’aalu.

I lona aotelega, o le fa’atusatusaina o le tala o le tupe ma aofaiga fa’apea iloilogā o eseese mo lenei tausaga fa’aletupe o lo’o atagia mai ai se ta’ita’iga malosi ma le vaaia lelei o tupe, lea na sili atu ai tupe maua fa’amauiina nai lo tupe maua fa’ata’atitia ma ausia ai se tupe mama sili atu. O lenei tulaga ua fa’amalosia ai le tautinoga a le Ofisa i le pulega lelei o tupe ma le lelei o fa’agaioiga.

ILOILOGA O AITALAFU TAUAVE

E oo mai i le aso 30 Iuni 2024, o aitalafu tauave a le Ofisa e **\$7,344,841**, o se siitaga e **\$117,828 (1.63%)** pe a fa’atusatusa i le **\$7,227,013** na fa’amauiina i le aso 30 Iuni 2024. O lenei siitaga e mafua mai ona o le si’itia o Tupe tau Tau, e a’afia i le tufatufaga o tupe i le tausaga fa’aletupe. E lē gata i lea, o le si’itia o tupe maua mai i tupe teu faafaigaluega i le UTOS, ona o le maualuga o le tau o le talaina o le iunite i le fa’ai’uga o le tausaga fa’aletupe, na mafua ai le si’itia o aitalafu tauave o lo’o iai nei.

TF2024	TF2025	Suiga (Aofai)	(%)
\$7,227,013	\$7,344,841	\$117,828	1.63%

O le Tala Fa’atatau o le Tupe e faatusatusa i le Iloiloga o Eeseese o Aofaiga mo le tausaga fa’ai’u i le aso 30 Iuni 2024, o lo’o fa’aalia ai le pulea lelei o tupe fa’aalu ma le silia o tupe maua. O lea na i’u ai i se eseese taliaina le tupe mama. O le si’itia o aitalafu tauave o lo’o atagia mai ai le fa’aauauina o le fa’afoeina o tupe fa’alagolago ma le lelei o le fa’atinoga o tupe fa’afaigaluega.

ILOILOGA O NONOGATUPE

FA’ATATAU	TF2024	TF2025
Aofaiga o Nonogatupe uma	\$808,738	\$418,190
Suiga i tupe tului fa’amutaina	(\$683,058)	(\$340,333)
Nonogatupe mama	\$125,680	\$77,857

O lo’o fa’aaogaina e le Ofisa se faiga fa’apitoa e fa’afoe ai le toe fa’aleleia o paleni o nonogatupe, e aofia ai le mata’ituina pea, ma le filigā tulitatao, ma pe a mana’omia, le tulutuliloaina o fa’atalanoaga po’o fofa fa’aletulafono. E taua le maitauina e leai se tului na maua mai i nonogatupe i totonu o le vaitaimi o lipoti, ona o nonogatupe o lo’o i ai nei o lo’o aofia ai fa’amatalaga na taofia ai le tului. O le fa’amuamua o lo’o fa’aauau pea i le toe aoina mai o le paleni o lo’o totoe.

Nonogatupe Mama

O nonogatupe mama na fa’amauiina se pa’u mai i le **\$125,680** sa iai i le aso 30 Iuni 2024 i le na’o le **\$77,857** i le aso 30 Iuni 2025, o lenei pa’u e **\$47,823, poo le 38.05%**. O lenei fa’aitiitiga e tele ona mafua mai i suiga fa’atatau i le Tupe Fa’agaga mo aitalafu e masalomia le lē totogiina mai, ma le manuia o le toe fa’aleleia o aofa’iga o nogatupe fa’apitoa, e aofia ai ma le toe totogiina mai o nonogatupe ua leva.

Aofaiga o Nonogatupe uma

O le aofa'iga o Nonogatupe e lei uma ona totogiina na fa'aitiitia i le **\$390,548** poo le **48.29%**, mai i le **\$808,738** i le TF2024 i le **\$418,190** i le TF2025. O lea fa'aitiitiga e mafua ona o le **\$326,463.03** o lo'o ta'ua i luga o nonogatupe na tusiesea i totonu o le tausaga fa'aletupe

I le aotelega, o le fa'aitiitia paleni o nonogatupe mama o lo'o atagia mai ai taumafaiga faifaiepa a le Ofisa e fa'atautaia ma foia fa'aagaaga mo nonogatupe. O le fa'aitiitiga o le Aofaiga o Nonogatupe uma o lo'o totoe o lo'o mafua mai i nonogatupe ua tusiesea ma tapunia ona ua le mafai ona toe totogiina mai. O lo'o tumau pea le naunauta'iga a le Ofisa e tulituliloaina auala talafeagai uma mo le toe fa'aleleia o paleni o nonogatupe a'o fa'atumauiina se iloilogia sa'o o le toe maua mai o nei nonogatupe..

Lu'itau

Ausia o Fuafuaga Fa'atatau (ROE)

O lo'o tumau pea le naunauta'iga o le Ofisa i le ausiaina o le fa'amoemoe a le malo o le Tupe Maua mai Tupe Faagaga. Ae ui i lea, o lo'o i ai ni lu'itau faifaiepa i lona ausiaina. Ole tapula'a muamua ole fa'alagolago o le Ofisa i le fa'asinomaga o esetete e avea ma fa'auluuluga o ana fa'agaioiga, e fa'atusatusa i fa'alapotopotoga e faavae o latou tupe maua i luga o saofaga. O lenei fa'alagolago i fa'asinomaga e fa'ailoa mai ai le tele o suiga i le aofa'i ma le tau o aseta o esetete o lo'o i lalo o le pulega, ma a'afia ai fua fa'atatau o tupe maua.

O le isi a'afiaga o le Tupe Maua mai Tupe Faagaga o le fa'atulagaina lea o totogifuapauina a le Ofisa, lea e feso'ota'i sa'o ai tupe maua i le tau o aseta. I vaitaimi

ole fa'atatau o esetete maualalo, ole fa'aitiitiga tutusa o tupe maua a le komisi ua atili ai ona avea ma lu'itau i le ausia o Tupe Maua ma Tupe Faagaga, ma fa'atumauiina le fa'atinoina o tupe.

Ala i luma / Fofō

Ua iai fuafuaga mamao a le ofisa mo le suiga o le fa'avasegaina o le ofisa mai fa'alapotopotoga mo Fefa'ataua'iga a le malo (PTB) i le avea ma fa'alapotopotoga e tautuaina le Malo (PBB).

O lenei suiga tāua e fo'ia ai lu'itau i galuega fa'atino a le ofisa, ma e tāua tele ina ia mautinoa le fa'ataunu'uina lelei o matafaioi autū a le Ofisa i le lumana'i. O lenei suiga e mana'omia ai le toe fa'atulagaina atoa o galuega, fa'atonutonuina ai le taula'i autū a le Ofisa i le tu'uina atu o auaunaga, e tusa ai ma le matafaioi autū fa'atulafonoina i le tulafono a le Ofisa Tausi Mavaega a le Mālō 1975, ma le tu'u ese mai i se faiga e taula'i i tupe mama

LIPOTI A SUI FA'ATONU

E tu'uina atu e Sui o le Komiti Fa'atonu o Tupe Teu Fa'afaigaluega le latou lipoti fa'atasi ma Tala Fa'atatau o Tupe a le Ofisa Tausi Mavaega mo le faai'uga o le tausaga faaletupe 30 Iuni 2025 e pei ona faailoa atu i itulau o loo fa'apipiina atu faatasi ai ma le lipoti a le Su'etusi e tusa ai ma le Tulafono o le Pulega o Tupe a le Mālō 2001 ma le Tulafono o Fa'alapotopotoga Tuma'oti (Fa'atinoga o Galuega ma le Mafai ona Tali Atu) 2001.

KOMITI FAATONU O TUPE TEU FA'AGAIGALUEGA

O sui nei o le Komiti Faatonu a le Ofisa Tausi Mavaega i le aso na faamauina ai le lipoti:

Afioga Afoa Saleimoa Charlie Vaai	(Taitaifono)
Logotaua Palepa Swanney Solaese	(Faatonu)
Donna Louise Stanley	(Faatonu)
Ane Lautusi Moananu	(Faatonu)
Leota Matamua Niko Ngau Chun	(Faatonu)

GALUEGA AUTŪ

O galuega autū a le Ofisa Tausi Mavaega o le tuuina atu lea i le mamalu o le atunuu o ni fautuaga faapitoa ma auunaga e patino i:

1. **Galuega fa'a-Tausi Mavaega:** E aofia ai le tapenaina o mavaega/uili, tausaiaina ma le faamaapeina o esetete ma le puleaina o tupe tau mavaega
2. **Puipuiga mo Tagata Taitoatasi e lē atoatoa le malosi:** Puipuia aiā tau tupe a i latou e lē atoatoa le malamalama faaletulafono, poo i latou e i ai aafia tumau o le tino ma le mafaufau, pe afai ua mae'a filifilia le Tausi Mavaega e ave ma o latou sui poo le leai foi o se tagata e iai le faatagaga mo le faamatuuina iai o ni tupe totogi atu poo ni meatotino i sea tagata.
3. **Auaunaga a Fa'alapotopotoga a le Mālō:** E ave ma sui o le Mālō i le puleaina o tau o fanua, tupe e lei tūpāina e suli, ma teugatupe tau mavaega e lei fa'amautinoaina tagata e agavaa iai.

E leai se suiga i galuega autū a le Ofisa Tausi Mavaega i lenei tausaga faaletupe.

TULAGA O FA'ATATAUGA

O manatu o Faatonu:

1. I lipoti faamauina o loo faapipii atu o le Faamatalaga o le Faaaogaina o Tupe, Faamatalaga o Suiga i Tupe Faaagaga ma le Faamatalaga o Tupe Fetafea'i, ua faamauina ai se va'aiga moni ma talafeagai i le taunuuga o galuega faaletupe a le Ofisa Tausi Mavaega mo le tausaga na faai'uina i le aso 30 Iuni 2025;
2. I le lipoti faamauina o loo faapipii atu o le Faamatalaga o Tulaga o Tupe, ua faamauina ai se vaaiga moni ma talafeagai i tulaga o faatatauga a le Ofisa Tausi Mavaega mo le tausaga na faaiuina i le aso 30 Iuni 2025.

FAAI'UGA O GALUEGA FAATONU

Ua faamauina le tupe mamā i le tausaga na faai'uina i le aso 30 Iuni 2025 e **\$245,020** (2024 : tupe mamā e **\$126,659**).

Faia i Apia i le aso 31 Oketopa 2025.

Sainia e tusa ai ma le i'ugafono a Faatonu



FAATONU



FAATONU



AUDIT OFFICE

*Please address all correspondences
to the Controller and Auditor General*

LIPOTI A LE OFISA SUETUSI

MO FONO A FA'ATONU – OFISA O TAUSI MAVAEGA

Manatu Fa'asu'etusi

Ua mae'a ona matou su'eina Fa'amatalaga Tau Tupe o lo'o fa'apipi'i fa'atasi atu a le Ofisa o Tausi Mavaega, e aofia ai le Fa'amatalaga Tau Tupe e pei ona iai i le aso 30 Iuni 2025, ma Fa'amatalaga o Tupe maua ma tupe fa'aalu, fa'amatalaga o fesuaiga o tupe faavae, ma fa'amatalaga o tupe fetafea'i, mo le tausaga e pei ona faai'uina i le aso 30 Iuni 2025, fa'atasi ai ma le oototoga o tu'utu'uga iloga fa'atausi tusi ma fa'amatalaga fa'aopoopo. O le sui tofia sa feagai ma lenei galuega su'egatusi ua fa'aiuina i lenei lipoti fa'asu'etusi tutoatasi, o se tausitusi fa'amaonia ma o se konesale, o Hanalei Betham, e aofia ai ma fesoasoani sa ia fa'aaogaina i lana su'ega tusi e pei ona fa'atagaina ma fa'atulafonoina i lalo o pepa o tofiga ma fa'atonuina o galuega.

I lo matou manatu, ua tu'uina mai Fa'amatalaga Tau Tupe se vaaiga e tonu ma talafeagai le tulaga tau tupe a le Ofisa o Tausi Mavaega, e pei ona iai i le aso 30 Iuni 2025, ma ana fa'atinoga fa'aletupe, suiga i tupe fa'avae ma ana tupe fetafea'i mo le tausaga na fa'ai'uina ai e tusa ai ma Aiaiga Fa'ava-o-Malo i le Fa'alauiloaina o Lipoti Fa'ale-tupe.

Fa'avae o le Manatu Fa'asu'etusi

Sa fa'atino la matou su'ega e tusa ai ma Aiaiga Fa'a-Su'etusi Fa'ava-o-Malo. O la matou matafai i lalo o nei aiaiga o lo'o fa'amanino atili atu i le vaaiga o Matafai Fa'a-Su'etusi mo le su'ega o Fa'amatalaga Tau Tupe i lenei lipoti. E tutoatasi le Su'etusi mai le Ofisa o Tausi Mavaega e tusa ai ma Aiaiga Fa'ava-o-Malo Fa'a-tausi Tusi e manaomia lo matou tautu i manaoga amiotonu talafetai e fa'ataui i le auunaga Fa'a-Su'etusi i totonu o Samoa. Ua matou fa'amalieina uma tulaga mo'omia o Aiaiga Fa'ava-o-Malo e pei ona taua i luga. Ua matou talitonu e fa'apea o mau Fa'a-Su'etusi na matou maua ua lava ma fetai e tu'uina mai ai se fa'avae mo lo matou manatu Fa'a-Su'etusi.

O le Matafai o le Fono a Fa'atonu ma le Pulega Mo Fa'amatalaga Tau Tupe

O le Fono a Fa'atonu ma le Pulega, e ia te i latou le matafai mo le saunia ma le tu'uina aloaia mai o nei Fa'amatalaga Tau Tupe ina ia tusa ai ma Aiaiga Fa'ava-o-Malo i le Fa'alauiloaina o Fa'amatalaga Tau Tupe. O lenei matafai e aofia ai le fuafuaina, le fa'atinoina, ma le fa'aaauaina o pulega fa'alotoifale talafeagai, le filifilia ma le fa'aaogaina o faiga fa'avae Fa'atausi Tusi ua talafetai ma le saunia ma le tu'uina aloaia mai o Fa'amatalaga Tau Tupe e fa'apea ua saoloto mai sēsē matuia, e fa'aono mafua mai le sasi po'o amio pi'opi'o.

I le saunia o Fa'amatalaga Tau Tupe e tatau i le Fono Fa'atonu ona fa'amautinoa le mafai ai e le Ofisa o Tausi Mavaega, o le fa'aaauaina o ana galuega ma fa'agaioiga fa'ale-tupe ma fa'ailoa i le tulaga e tatau ai mataupu e a'afia ai le lumana'i fa'aaau ma fa'aaogā ai le talitonuga maumautu i lenei lumana'i fa'aaau sei vagana ai ua ta'atia se fa'amoemoe o le Fono Fa'atonu ma le Pulega, e tapunia le Ofisa o Tausi Mavaega ma taofia uma ana galuega po'o le leai foi o se isi fa'amoemoe mautinoa e toe fa'aaau ai.

O le Fono a Fa'atonu, e gafa ma le mata'itūina o le sologa lelei o Fa'amatalaga Tau Tupe a le Ofisa o Tausi Mavaega.

O le Matafai o le Su'etusi

O le sini autū o le su'ega o tusi, o le fa'aalia lea o se manatu i luga o Fa'amatalaga Tau Tupe e ala i lipoti e aofia ai ma le manatu Fa'a-Su'etusi e fa'avae i luga o mau talafeagai e tusa ai ma aofaiga ma folasaga i totonu o nei Fa'amatalaga, e aofia ai foi ma le auiliiliina o fa'afitauli mai fa'amatalaga sese matuiā, pe afua mai i amio pi'opi'o po'o le sasi. O a matou mau e maua ai se fa'amaoniga talafeagai peita'i e lē mafai ona maua se ma'utinoa atoatoa pe maua uma ni sese po'o ni sasi o iai i Fa'amatalaga Tau Tupe tusa lava pe fa'atinoina se su'ega e tusa ai ma Aiaiga Fa'a-Su'etusi Fa'ava-o-Malo. E mafai ona iai ni fa'amatalaga sese e afua mai i amio pi'opi'o po'o le sasi ma e mafai ona matuiā lona a'afiaga i le aotelega atoa, ma e ono a'afia ai fuafuaga i mataupu tau tupe a i latou o le a fa'aaogaina Fa'amatalaga Tau Tupe ma fa'avae mo nei fuafuaga.

*Please address all correspondences
to the Controller and Auditor General*



AUDIT OFFICE

E tusa ai ma Aiaiga Fa'a-Su'etusi Fa'ava-o-Malo, e fa'atino la matou su'ega i le tulaga mauuluga ma le tomai fa'apitoa. E fa'apea foi ona matou:

- Fa'a'ailoa ma auilili ni lamatiaga o fa'afitauli mai fa'amatalaga sese matuiā o Fa'amatalaga Tau Tupe, pe afua mai i ni amio pi'opi'o po'o le sasi, fausia ma fa'atino gaoioiga e tali atu i nei lamatiaga, ma fa'amauiina mau Fa'a-Su'etusi e atoatoa ma talafeagai mo fa'avae o le manatu Fa'a-Su'etusi. O le lamatiaga o le lē maua o fa'afitauli mai fa'amatalaga sese matuiā e afua mai i amio pi'opi'o e ogaoga atu nai lo'o tulaga sasi, ona o amio pi'opi'o e aofia ai fefinauaiga, pepelo, ave ese ma le iloa, fa'amatalaga sese, po'o le soloia o puipuiga fa'alotoifale.
- Silafia puipuiga fa'alotoifale e talafeagai i le su'ega mo le fausia o gaoioiga talafeagai i ia tulaga ae lē mo le fa'amoemoe e fa'aalla se manatu i le lelei o puipuiga fa'alotoifale.
- Iloilo le tulaga talafeagai o faiga fa'avae Fa'atausi Tusi sa fa'aaogaina ma le talafetaui o fua fa'atatau Fa'atausi Tusi ma fa'amatalaga feso'otai a le fono a Fa'atonu ma le Pulega.
- Fa'amautu le talafeagai o le fa'aaogaina e le fono a Fa'atonu ma le Pulega o le fa'avae Fa'a-tausi Tusi o le gafatia o le fa'aaauu o le auaunaga a le Ofisa o Tausi Mavaega ma fa'avae i mau Fa'a-Suetusi sa tuuina mai, po'o iai se lē mautonu i tulaga ma aiaiga e fa'atatau i le mafai ona fa'aaauu le auaunaga a le Ofisa o Tausi Mavaega i le lumanai. Afai ae fa'amautu o lo'o iai se tulaga lē mautinoa, e mo'omia le fa'a'ailoa i le matou lipoti Fa'a-Su'etusi o fa'amatalaga feso'otai i Fa'amatalaga Tau Tupe pe o le lē atoatoa o ia fa'amatalaga e ono suia ai le manatu Fa'a-Su'etusi. O le matou manatu e fa'avae mai i mau sa matou maua mai i le matou su'ega e fa'apau mai i le aso o le matou lipoti. Ae peitai, e ono iai ni mataupu i le lumanai e aafia ai le gafatia o le fa'aaauu o le auaunaga a le Ofisa o Tausi Mavaega ma ono fa'amuta ai ana galuega fa'atino.
- Iloilo le fa'ata'atiga, folasaga ma le anotusi o Fa'amatalaga Tau Tupe e aofia ai fa'amatalaga fa'aopoopo po'o fa'a'ailoa ai fefa'atauaiga ma gaoioiga i se tulaga talafeagai.

E matou te feso'otai ma le fono a Fa'atonu ma le Pulega e fa'atatau i le fa'atinoina o le matou su'ega ma sailiiliga taua e aofia ai fa'aletonu matuia i puipuiga fa'alotoifale e alia'e mai i le matou su'ega.

Apia, Samoa
31 Oketopa 2025

Fa'amatua'ina Dennis Margraff
SUI PULE MA SUETUSI SILI

OFISA TAUSI MAVAEGA
FA'AMATALAGA O TULAGA O TUPE
E PEI ONA IAI I LE ASO 30 IUNI 2025

		2025	2024
MEATOTINO	Fa'amatalaga	\$	\$
Meatotino i le Taimi nei			
Tinoitupe ma fa'atusatusaga o aofaiga o tinoitupe	4	3,064,218	3,296,111
Tupe teu fa'afaigaluega	5	8,844,339	8,410,944
Tufatufaga o lo'o totogi mai	6	215,116	202,705
Isi aitalafu ma tupe muai totogi atu	7	24,433	25,267
Aofaiga o Meatotino i le Taimi nei		<u>12,148,106</u>	<u>11,935,027</u>
Meatotino Fa'aauau			
Nonogatupe o lo'o totogi mai	10	77,857	125,680
Meatotino, Fale ma Meafaigaluega	11	327,297	116,371
Esetete nofo aitalafu i le Ofisa		<u>2,011,549</u>	<u>1,813,664</u>
Aofaiga o Meatotino Fa'aauau		<u>2,416,703</u>	<u>2,055,714</u>
Aofaiga o Meatotino		<u>14,564,809</u>	<u>13,990,741</u>
AITALAFU			
Aitalafu i le Taimi Nei			
Tufatufaga totogi atu i le Malo		130,088	44,331
Isi o loo nofo aitalafu ai ma aitalafu fa'aputupu	9	<u>330,380</u>	<u>269,970</u>
Aofaiga Aitalafu i le Taimi Nei		<u>460,468</u>	<u>314,301</u>
Aitalafu Tauave			
Tinotupe - Esetete, Teugatupe tau Mavaega ma Tau i o Fanua	8	7,344,841	7,227,013
Tinotupe e lei tapaina	15	452,457	463,146
Tupe maua fa'atuai (Aitalafu)		<u>161,500</u>	<u>-</u>
Aofaiga o Aitalafu Tauave		<u>7,958,797</u>	<u>7,690,159</u>
Aofaiga o Aitalafu		<u>8,419,265</u>	<u>8,004,460</u>
Fa'asiliga o Meatotino		<u>6,145,544</u>	<u>5,986,281</u>
TUPE FA'AVAE			
Tupe fa'avae tu'uina mai e le Malo		18,780,650	18,780,650
Tupe fa'aleoleo ma tupe fa'aagaga pa'ū		(8,628,331)	(8,628,331)
Tupe pa'ū fa'aputupu		<u>(4,006,775)</u>	<u>(4,166,038)</u>
Aofaiga o Tupe Fa'avae		<u>6,145,544</u>	<u>5,986,281</u>

E fai ma sui o le Komiti Fa'atonu, o ē na aloa'ia nei fa'amatalaga o tupe.



Tuitoga Christina Faitele-Asi
(Tausi Mavaega)

Aso: 30 / 10 / 25



Lemauga Saleimoa Charlie Vaai
(Taitaifono – Komiti Fa'atonu)

Aso: 30 / 10 / 25

O fa'amatalaga o tupe o lo'o i luga e tatau ona faitau fa'atasi ma fa'amatalaga fa'aopoopo o lo'o aofia i totonu o lenei lipoti.

OFISA TAUSI MAVAEGA
FA'AMATALAGA O LE FA'AAOGAINA O TUPE
MO LE TAUSAGA NA FA'AIUINA 30 IUNI 2025

		2025	2024
TUPE MAUA	Fa'amatalaga	\$	\$
Tupe maua mai le faama'apeina o esetete		408,352	259,296
Komisi na maua		226,890	334,394
Tupe maua mai tufatufaga	6	215,116	202,706
Tupe fa'amatu'u mai e le Malo		352,269	441,461
Nonogatupe masalomia le le totogiina mai ua aoina mai		-	38,600
Tupe mamā mai le fa'atauese o meatotino tumau		67,994	-
Fa'aititiga o le Tupe Maua Fa'atuai		8,500	-
Isi tupe maua		15,537	9,046
Aofaiga o Tupe Maua		1,294,659	1,285,503
TUPE FA'AALU			
Tupe faaalu i galuega faatino	12	338,918	453,829
Tau o vaega o tupe		551	665
Totogi o Sui Faatonu ma isi tupe faaalu	13	107,480	69,218
Faaititia o aoga o meatotino	11	80,495	60,956
Totogi ma togiaso	14	846,535	710,869
Aofaiga o Tupe Faaalu		1,373,979	1,295,537
ISI TUPE FAASIL/(TUPE PA'Ū)			
Tupe faasili mai tupe teu fa'afaigaluega i le UTOS	5.1	324,341	136,694
Aofaiga o isi Tupe Faasili		324,341	136,694
Tupe Mamā/(Pa'ū)		245,020	126,659

O fa'amatalaga tau tupe o lo'o i luga e tataua ona faitau fa'atasi ma fa'amatalaga fa'aopoopo o lo'o aofia i totonu o lenei lipoti.

OFISA TAUSI MAVAEGA
FA'AMATALAGA O SUIGA I TUPE FA'AVAE MA TUPE FA'AAGAGA
MO LE TAUSAGA NA FA'AIUINA 30 IUNI 2025

	Tupe Faavae tu'uina mai e le Malo	Tupe Fa'aleoleo ma Tupe Fa'aagaga	Fa'aputuga tupe Mamā/(Pa'ū)	Aofai
	\$	\$	\$	\$
Paleni e pei ona iai i le aso 30 Iuni 2023	18,780,650	(8,628,331)	(4,248,366)	5,903,953
Tupe mamā/(pa'ū) mo le tausaga	-	-	126,659	126,659
Tufatufāga totogi atu	-	-	(44,331)	(44,331)
Paleni e pei ona iai i le aso 30 Iuni 2024	18,780,650	(8,628,331)	(4,166,038)	5,986,281
Tupe mamā/(pa'ū) mo le tausaga	-	-	245,020	245,020
Tufatufāga totogi atu	-	-	(85,757)	(85,757)
Paleni e pei ona iai i le aso 30 Iuni 2025	18,780,650	(8,628,331)	(4,006,775)	6,145,544

O fa'amatalaga tau tupe o lo'o i luga e tataua ona faitau fa'atasi ma fa'amatalaga fa'aopoopo o lo'o aofia i totonu o lenei lipoti.

OFISA TAUSI MAVAEGA
FA'AMATALAGA O TUPE FETAFAEI
MO LE TAUSAGA NA FA'AIUINA 30 IUNI 2025

		2025	2024
TUPE FETAFAEI MAI GALUEGA FAI	Fa'amatalaga	\$	\$
Tinoitupe maua mai i le fa'amaapeina o esetete ma komisi		635,242	593,690
Tinoitupe maua mai i isi tupe maua		15,537	47,646
Tinoitupe maua mai esetete		3,288,011	1,608,108
Tinoitupe totogi atu i faioloa ma tagata faigaluega		(1,322,640)	(1,528,487)
Tinoitupe totogi atu i esetete		(3,465,001)	(945,329)
Tupe maua mai galuega fai		(848,851)	(224,372)
TUPE FETAFAEI MAI GAOIOIGA O TUPE TEU FA'AFAGALUEGA			
Tupe maua mai totogi o nonogatupe		5,310	114,316
Tufatufaga totogi mai i le UTOS		202,706	359,822
Tupe maua mai le fa'atauina o meatotino tumau		69,110	-
Tau o le fa'atauina mai o meatotino tumau	11	(132,043)	(43,148)
Tupe maua mai tupe teu fa'afagaluega		145,083	430,991
TUPE FETAFAEI MAI GALUEGA TAU TUPE			
Tupe fa'amatuu mai le Matagaluega o Tupe		352,269	441,461
Tufatufaga totogi atu i le Malo		-	(146,398)
Tupe maua mai galuega tau tupe		352,269	295,064
Tupe totoe fa'asili/(pa'u) mai paleni o tupe		(351,499)	501,683
Faaopoopo: Paleni amata		11,707,054	11,147,866
Fa'asa'oga o le tau tonu o tupe teufa'afagaluega i le UTOS e aunoa ma se tupe fa'atau moni (mo le fa'atusatusaga)	5.1	553,001	57,506
Aofaiga Paleni o Tupe Maua		11,908,556	11,707,054
E fa'amatala faapenei:			
Tinoitupe ma fa'atusatusaga o aofaiga o tinoitupe	4	3,064,218	3,296,111
Tupe teu fa'afagaluega	5	8,844,339	8,410,944
Aofaiga o tinoitupe ma fa'atusatusaga o aofaiga o tinoitupe		11,908,556	11,707,054

O fa'amatalaga tau tupe o lo'o i luga e tataua ona faitau fa'atasi ma fa'amatalaga fa'aopoopo o lo'o aofia i totonu o lenei lipoti.

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

1. Fa'amatalaga Lautele

O le galuega autu a le Ofisa Tausi Mavaega o le faamaapeina lea o esetete a i latou ua maliliu; tausaiaina o teugatupe tau mavaega mo tamaiti; tapenaina, sainia ma teu maluina o mavaega/uili; ma isi auaunaga faatausi mavaega i lalo o le Tulafono Autu o le Ofisa Tausi Mavaega 1975. O le Ofisa Tausi Mavaega ua faatulagaina o se Faalapotopotoga Tau i Fefaatauaiga a le Malo i lalo o le Tulafono Faalapotopotoga a le Malo (Faatinoga o Galuega ma le Mafai ona Tali Atu) 2001. I le avea ai ma Faalapotopotoga Tau i Fefaatauaiga a le Malo, e tatau ai i le Ofisa ona aiaia faiga faavae o le Tulafono mo le Puleaina o Tupe a le Malo 2001. O le Ofisa Tausi Mavaega a le Mālō o loo i ai lona ofisa autū i Matafele, i le fale o le Ofisa Tausi Mavaega.

2. Autu na fa'avae ai le Tapenaga

O nei faamatalaga o le tala o tupe o loo tapenaina e tusa ai ma aiaiga o le Tulafono o Kamupani 2001 faatasi ai ma Aiaiga o le Lipotiina o Tupe Faavaomālō (IFRS) e pei ona tuuina mai e le Komiti Faafae Faavāomālō o Tulaga i le Tausiga o Faamatalaga Tau Tupe (IASB).

E le gata i lea, ua tapenaina faamatalaga o tupe maua ma tupe alu, e tusa ai ma Ta'iala Faavāomālō o le Tausiga o Faamatalaga tau Tupe a le Mālō (International Public Sector Accounting Standards (IPSAS)) ua tuuina mai e le Komiti Faatino o Ta'iala Faavāomālō o le Tausiga o Faamatalaga tau Tupe a le Mālō (IPSASB), pe a talafeagai ma pe a lē fete'ena'i ma le IFRS. O lenei auala e lagolagoina ai lipoti tau tupe i fafo ma le faatulagaga o faamoemoega o lipoti a tulaga tofi o le Mālō .

Ua tapenaina faamatalaga o tupe maua ma tupe alu, i lalo o faiga masani o tau tuai, se i vagana ai le toe fuaina o nisi o meatotino ma aitalafu tau tupe e pei ona faailoa i faiga faavae tau tupe talafeagai.

O faamatalaga o tupe maua ma tupe alu o loo tuuina atu i le tālā Samoa, o le tupe o loo faaoga ma faaalua e le Faalapotopotoga.

O le tapenaina o faamatalaga o tupe maua ma tupe alu e tusa ai ma le IFRS e moomia ai le pulega ina ia faia faai'uga, fua faatatau, ma ni manatu taulagi e aafia ai le faaogaina o faiga faavae tau tupe ma le aofa'iga o meatotino, aitalafu, tupe maua, ma tupe alu ua lipotia. E ono ese i'uga moni mai nei tala faatatau. O tala faatatau ma manatu taulagi ua faataatitia e toe iloilo pea i taimi uma, ma o ni suiga uma e aloa'ia i le vaitaimi e faia ai le iloilo o nei tala faatatau.

3. Fa'amatalaga o Faiga fa'avae fa'atausi tusi fa'apitoa

O loo faatulaga atu i lalo faiga faavae autū mo le tausiga o faamatalaga tau tupe na faaogaina i le tapenaina o nei faamatalaga o tupe maua ma tupe alu. O nei faiga faavae sa faaogaina lava i tausaga ua tuuina atu se'i vagana ua ta'ua faapitoa se isi tulaga ese.

a) Tupe maua mai Konekarate ma Tagata Faatau (Customers)

O tupu maua e aloa'ia e tusa ai ma le IFRS 15 – Tupe maua mai Konekarate ma Tagata Faatau, pe a ausia tulaga nei:

- Ua i ai se konekarate ma se tagata faatau (ft., esetete, mavaega tausai, poo se suli faamanuiaina);
- Ua iloa le tiute e tatau ona faia;
- Ua mafai ona fuafua le tau o le fefaatauaiga (e pei ona faamatalaina i totonu o le Tulafono o le Ofisa Tausi Mavaega a le Mālō 1975, Tulafono o le Pulea 1975 ma le Tulafono Faatonutonu o le Ofisa Tausi Mavaega a le Mālō 2014);
- O tupe maua e faasoasoa e fua i luga o tiute e tatau ona faia;
- Ua faamalieina le faatinoina o tiute, poo i le aluga o le taimi poo se taimi e tasi.

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

O tupe maua a le Ofisa e afua mai i:

- Totogi mo le puleaina o meatotino
- Totogi o komisi

O nei totogi ua faatonutonuina ma faatulaga e tusa ai ma aiaiga o le Tulafono o le **Tausi Mavaega a le Mālō 1975** ma le **Tulafono o le Pulea 1975** faapea ma Tulafono o loo fesoota'i i ai.

Vasega o Tupe Maua

Ituaiga Tupe Maua	Natura	Auala e Aloa'ia ai
Totogi mo le Puleaina o Meatotino	E totogi mo le puleaina o esetete, mavaega tausi, ma tupe o tau e tusa ai me le Tulafono o le Ofisa Tausi Mavaega a le Mālō 1975, Tulafono Faatonutonu o le Ofisa Tausi Mavaega a le Mālō 2014 ma le Tulafono o le Pulea 1975. E aofia ai galuega faatino i aso ta'itasi e pei o le faatinoina o tiute tau pulega, lipoti, ma galuega e tusa ai ma aiaiga o tulafono.	E aloa'ia i le aluga o le taimi, a o faatinoina pea auunaga i totonu o le vaitaimi o le pulega.
Komisi	E totogi e tusa ma le pasene o meatotino ua maua mai pe tufatufaina, e tusa ai ma le Tulafono o le Ofisa Tausi Mavaega a le Mālō 1975 ma le Tulafono Faatonutonu o le Ofisa Tausi Mavaega a le Mālō 2014.	E aloa'ia i le taimi tonu e mae'a ai le auunaga (ft., ua faatau ese le fanua, poo ua tapunia le faila o le esetete).
Totogi o isi Auunaga	E aofia ai totogi mo le auunaga lomitusi, totogi mo le faia o se mavaega, totogi mo le lau o le tusi siaki ma isi auunaga faa pulega e tusa ai ma le Tulafono Faatonutonu 2014.	E aloa'ia i le taimi tonu e tuuina atu ai le auunaga.

Fuafuaina o Tau mo Fefa'ataua'iga Fa'apisinisi

O le tau fuafuaina mo fefa'ataua'iga faapisinisi mo auunaga ta'itasi o loo faataatia mai e le **Tulafono o le Ofisa Tausi Mavaega a le Mālō 1975, Tulafono o le Pulea 1975** ma le **Tulafono Faatonutonu o le Ofisa Tausi Mavaega a le Mālō 2014**, o loo faamatalaina ai le auala e fuafua ai totogi ma komisi. E le mafai e le Ofisa i sona lava faitalia ona fai ni suiga i nei tau.

Matafaioi Fa'atino

- E aloa'ia tupe maua a o faatinoina auunaga e le Ofisa mo i latou e faamanuiaina (beneficiaries).
- O loo iai se konekarate faa-le-tulafono i le taimi e tofia ai le Ofisa e avea ma le e pulea poo le tausi mavaega i lalo o le Tulafono.
- I le tele o mataupu, e faamalieina matafaioi faatino ao faagasolo le tuuina atu o le auunaga faaauau i le vaitaimi o le pulega.

Faatupega Faapitoa (Lagolago a le Mālō)

E tusa ai ma le vaega 20 o le Tulafono o le Ofisa Tausi Mavaega a le Mālō 1975, e aiaia ai e faapea o soo se taimi e tulai mai ai le lē a'u o le faasoa a le Ofisa e faafetaia'i aitalafu ma noataga o le Tausi Mavaega, e mafai e le Minisita e nafa ma Pisinisi a le Mālō, e fua i le faasoaina o tupe i lalo o le

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

Tulafono o le Faatatauina o Tupe, ona tuuina i le Tausi Mavaega a le Mālō nei tupe e manatu ia e alagatatau ina ia mafai ai ona faafetaia'i le utiuti o le faasoa, i lona atoaga poo se vaega. A finagalo le Minisita e tatau ona toe totogi i le Faaputugatupe a le Matagaluega o Tupe nisi tupe ua foai'ina, e tatau i le Tausi Mavaega a le Mālō ona tausisia lea faaiuga i se taimi vave e lava ai tupe a le Ofisa.

E tusa ai ma le IAS 20: O le Tausiga o fa'amatalaga tau tupe mo Foa'i a le Mālō ma le Fa'alauiloa o Fesoasoani a le Mālō, o nei lagolago tau tupe e fa'amaumauina o se foa'i a le Mālō. E fa'atoa aloa'ia Foa'i a le Mālō pe afai ua mautinoa o le a tausisia e le Ofisa aiaiga o loo iai ma o le a maua ai le tupe. Na taulimaina e le Ofisa le \$352,269 o le lagolago a le Mālō i totonu o le tausaga fa'aletupe na faaiuina 30 Iuni 2025. O lea tupe o loo aloa'ia o se tupe faameaalofa, e aiga i tupe maua ma o lo'o tuuina atu i Faamatalaga o le Faaagaina o Tupe, e tusa ai ma le IAS 20.

Afai e moomia e le Minisita ona toe togitogi le fesoasoani a le Mālō na tu'uina mai, o ia aofaiga o le a fa'amauina o se tupe alu i totonu o le vaitaimi na tupu ai lea noataga.

e) Pepa fa'aletulafono Tau tupe

E tele meatotino tau tupe ma aitalafu e umia e le Ofisa Tausi Mavaega a le Mālō i le fa'agaioioiga o ona tiute fa'aletulafono o le tausiga o mavaega. O meatotino tau tupe e aofia fa'atasi ai tinoitupe ma fa'atusatusaga o aofai o tinoitupe, totogi o nonogatupe, tupe ua ova ona talaina mai i tupe e tatau ona iai (aofaiga o loo nofo aitalafu ai i latou ua fa'amanuiaina), ma tupe teu fa'afaigaluega. O nei pepa fa'aletulafono tau tupe e fa'amaumauina ma fa'alauiloa e tusa ai ma le IFRS 9 – Pepa fa'aletulafono Tau tupe.

Fa'avasegaina ma le Fuaina o Meatotino tau Tupe

Ituaiga Meatotino tau Tupe	Fa'amatalaga	Fa'avae o le fuataga
Tinoitupe ma Fa'atusatusaga o le aofai o tinoitupe	E aofia ai tupe o loo faagaioi ai le Ofisa ma teugatupe autū o loo teuina ai tupe o esetete, teugatupe tau mavaega ma tau i o fanua.	Tau faaitiitia e fa'aaogaina ai auala o tului talafeagai
Totogi o Nonogatupe	O le vaega o nonogatupe a le Ofisa Tausi Mavaega a le Mālō o se tofiga ua faaitiitia talu ai ona le toe tuuina atu se auaunaga tau nonogatupe. Ona o lea tulaga, o loo feagai le Ofisa ma le aoina mai o paleni tu'ua o nonogatupe.	Tau faaitiitia e fa'aaogaina ai auala o tului talafeagai toese le Tupe pa'u fuafuaina
Tupe ua ova ona talaina mai tupe e tatau ona iai	O aofaiga o tupe o loo nofo aitalafu ai i latou e faamanuiaina i le Ofisa, mo galuega faa pulega ua mae'a faatinoina. E tusa ai ma le vaega 32 o le Tulafono o le Ofisa Tausi Mavaega a le Mālō 1975, e mafai ona faatagaina tupe aitalafu i esetete faatasi ai ma i latou e faamanuiaina i esetete.	Tau faaitiitia e fa'aaogaina ai auala o tului talafeagai
Tupe ua ova ona talaina mai tupe e tatau ona iai	O aofaiga o tupe o loo nofo aitalafu ai i latou e faamanuiaina i le Ofisa, mo galuega faa pulega ua mae'a faatinoina. E tusa ai ma le vaega 32 o le Tulafono o le Ofisa Tausi Mavaega a le Mālō 1975, e mafai ona faatagaina tupe aitalafu i esetete faatasi ai ma i latou e faamanuiaina i esetete.	Tau faaitiitia e fa'aaogaina ai auala o tului talafeagai

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

Tupe teu faa-faigaluega i le UTOS	O loo iai tupe teu faafaigaluega mo le Ofisa, faatasi ai ma tupe o tau i o fanua, esetete, mavaega taus, ma tofiga o loo puleaina.	Tau talafeagai e ala i tupe maua poo tupe pau
--	--	---

Nonogatupe o loo totogi mai

E le o toe faia e le Ofisa ni nonogatupe, ma ua pa'u le aofaiga o nonogatupe o loo iai i le taimi nei. I le aso 30 Iuni 2025, e sefulu tolu (13) nonogatupe o loo iai lava, o loo aofia ai le lima (5) o nonogatupe o loo fa'aauau pea ona totogiina mai.

O nonogatupe o loo totoe e leai ni meatotino o fa'amauiina ai, ua umi gei nonogatupe, ma o le tele foi ua taofia e le *Tulafono o le Fa'atapulaaina o Taimi 1975*, o loo fa'ailoa mai ai e leai se fuafuaga e toe faaola mai ia tupe. O lea la, o nonogatupe uma o le a iloiloaina o ni nonogatupe ua afaina ma o le a fa'avasegaina i lalo o le Tulaga 3 (Stage 3) o le IFRS 9 o le faata'ita'iga o le fa'aleagaina o meatotino.

O le a fa'aaogaina le auala o le tupe pa'u fuafuaina i le taimi atoa o le aitalafu (lifetime ECL) e fa'aaogaina ai le ono le mafai ona totogi aitalafu (Probability of Default (PD)) e 100% ma le le mafai ona totogi o Tupe Pa'u ua tu'uina mai (Loss Given Default (LGD)) e 100%, e atagia ai le tulaga le mafai ona toe maua mai o nei paleni. O le i'uga, o le a fa'ailoa se faatagana e faaleaogaina uma ai nonogatupe tuua mo le isi piriota o le a soso'o mai.

Tului i nonogatupe e leai ni faamalumaluga

O tului i luga o nonogatupe o loo iai nei ua taofia, ma ua leai ma se tului i luga o ia nonogatupe.

Tului ua faataatia ese

O lenei vaega e atagia ai tupe maua e le o mafai ona maua mai i nonogatupe ua faaletonu po o le tuai ona totogi mai, ma le aofa'i o loo taofia mo sina taimi a'o faatali pe toe maua mai po o le faataatia ese, e fuafua lava i le tulaga o le nonogatupe. Peita'i, o faamaumauga ua tuana'i i le faasoaina o le paleni o tului faataatia ese i nonogatupe taitasi, ua le mafai ona maua. Mulimuli mai, o le a faaaogaina le tala o tului faataatia ese o se tala faafeagai (contra account) e faaleaogaina ai paleni o aitalafu ua talia le faaleaogaina e le Komiti Faatonu o Tupe Teufa'afaigaluega.

Tupe Teu Fa'afaigaluega i le UTOS

O tupe teu faafaigaluega i le Faaputugatupe teu faafaigaluega o Mavaega Tausi a Samoa (UTOS) e muamua ona aloa'ia i lona tau talafeagai faapea ma soo se tau e fesoota'i tonu ma galuega faatino. O le fua mulimuli e faaaogaina ai le tau talafeagai e taua i tupe faasili poo tupe pa'u (FVTPL), ona e le gata e faafaigaluega e le Ofisa ana lava tupe, ae o loo mata'itu foi le faafaigaluegaina o nei tupe ina ia maua mai se faasiliga mo e faamanuiaina ai.

A o faafaigaluega ai e le Ofisa tupe mo e faamanuiaina ai, o aitalafu o loo fesootai e atagia i le aofaiga o tupe e totogi ia i latou e faamanuiaina, e aofia ai ma ni tupe faasili mai i tupe faafaigaluega. O tupe faafaigaluega e faafesootai iai e fua ile FVTPL, e o gatasi ma tiute faaletulafono a le Ofisa. O suiga i le tau talafeagai o tupe faafaigaluega e aafia ai le aofaiga o tupe e faasoasoina i e o loo faamanuiaina, ma e atagia i le paleni o aitalafu.

O loo umia foi e le Ofisa, e fai ma sui o e faamanuiaina, nisi o pepa faaletulafono tau tupe, e aofia ai tupe e mafai ona faaliliu ma pepa faamaonia mo le totogiina o aitalafu. O nei pepa faaletulafono e muamua ona

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

aloa'ia i le tau talafeagai faapea ma soo se tau e fesoota'i tonu ma galuega faatino, ma e faapea ona fua i le FVTPL, aua o loo mata'itu pea mo ni tupe faasili mo i latou e faamanuiaina ai. O suiga i tau talafeagai e aloa'ia i le tupe faasili poo le tupe pa'u i le vaitaimi na tupu ai.

O le tau talafeagai, o le tau lea e maua mai i le faatauina o se meatotino i se feuia'iga faapisinisi i le va o sui auai i le aso o le fuataga. O le ala lea, o le tau talafeagai o le tau e toe faatau mai ai. O lea, o le talafeagai o le tau na toe faatau mai ai, toesea le tau e tala ai i tua.

Noataga tau Tupe

O tupe a tagata ma esetete o loo umia o ni mavaega tausii, e aofia ai tinoitupe ma teugatupe faafaigaluega, e faamauiaina o ni aitalafu i lalo o le vaega **“Tupe – Esetete, Mavaega Tausi ma Tausi o Fanua”** i le Faamatalaga o le Tulaga Tau Tupe. O nei tupe e fa'ailoa ai le matafaioi a le Ofisa e faasoasoa atu ai nei tupe i tagata e tataua ona manuia ai ma e fua i tau faaitiitia e faaaogaina ai auala o tului talafeagai e atagia ai saofaga ua oo mai, o le tufatufaga o tupe, ma tupe faasili poo tupe talafeagai faasili poo le pa'u.

Ta'iala o loo lima taitaiina ai le fa'agaioiga o esetete ma le pulea o mavaega tausii.

O le Vaega o Esetete, Mavaega Tausi ma le Puleaina a le Ofisa, o le vaega autu lea o le Ofisa o loo feagai tonu ma le faamaapeina o esetete, tapenaina o Mavaega ma le tausii o Mavaega Tausi faapea le faatautaia o galuega a le Ofisa i aso taitasi. O le tuufaatasia o nei galuega autu i lalo o le vaega lipotia e alagatatau ina ia fuafuaina ai le faasoasoina o tupe faaalu i totonu o galuega a le Ofisa o loo faatino i le taimi nei, o le vaega lea ua ta'ua i luga, ma le vaega o nonogatupe o loo faaitiitia pea lona aofa'i.

O meatotino o esetete e ese mai i tinoitupe o loo umia e le Tausi Mavaega e fai ma sui o esetete e le o faitaulia i totonu o faamatalaga o tupe maua ma tupe alu. O tului o loo fa'aaogaina, pe a manaomia, i luga o esetete faapea ma teugatupe tau mavaega ma tausii o fanua o loo iai paleni totoo i le fua faatatau e 1% i le tausaga.

O lenei faaaliga o loo tapenaina e tusa ai ma le IFRS 7 – Pepa Faaletulafono tau Tupe: Mea e faailoa ma le IFRS 9 – Pepa Faaletulafono tau Tupe, tuuina mai ai le manino e uiga i le faavae o le fuafuaina o tau, le faavasegaina ma le auiliiliga faatusatusa o pepa faaletulafono tau tupe, ia mautinoa le o gatusa ma meatotino ma aitalafu mo i latou e mauaina faamanuiaga.

Aveesea

E le o aveesea meatotino tau tupe ma aitalafu se'i vagana ua iai se aia faaletulafono e aveesea ai, ma ua fuafua le Ofisa e totogi atoa i lea lava taimi. I le aso o le lipoti, e le o iai ni fuafuaga poo ni faatulagana o loo iai mo le aveesea.

Pulea o Tulaga Lamatia

E pulea e le Ofisa ni tulaga e ono lamatia ai ana pepa faaletulafono tau tupe i auala nei:

- **Lamatiaga o Aitalafu:** E mata'ituina e ala i iloilogaga masani o nonogatupe e aoina mai ma tupe ua ova le faaaogaina mai tupe e tataua ona iai. O lo'o tulituli pea le aoina mai o aitalafu.
- **Lamatiaga o tulaga o mea tau tupe:** E faatumauiaina e le Ofisa le tulaga o mea tau tupe ina ia faataunuuiaina ai ona tiute ia i latou e faamanuiaina ai faapea manaoga o galuega faatino.
- **Lamatiaga o Maketi:** O tupe o loo teu faafaigaluega, e aofia ai tupe teu faafaigaluega i le UTOS, e pulea i lalo o faiga faavae mo tupe teu faafaigaluega, ma e mata'ituina suiga faavaitaimi o le maketi.

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

a) Fa'aputugatupe Fa'aleoleo ma Fa'aagaga

O le faaagaga mo tupe e le toe maua mai i nonogatupe o se aiaiga i lalo o le vaega 17 o le Tulafono o le Ofisa Tausi Mavaega a le Mālō 1975. O le faaagaga mo nonogatupe le toe maua mai o loo faailoa pe faatusatusa i le aofai atoa o nonogatupe e pei ona faamatalaina i le oototoga 10, ma ua le toe faaalua i luga o le tulaga tau tupe o se vaega o le Faaputugatupe Fa'aleoleo ma Faaagaga.

▪ **Lafoga o Tupe Maua**

O le Ofisa Tausi Mavaega a le Mālō e tuusaunua mai i le totogiina o lafoga i lalo o le Vaega 17 o le Tulafono o Lafoga o Tupe Maua 2012.

u) Meatotino, Fale ma Meafaigaluega (Meatotino Tumau)

O meatotino tumau e fuaina i le tau na faatau ai, toesea mai ai le aofai o le faaitiitiga o le tau ma soo se tupe na le toe maua ona o le faaletonu o le meatotino. O le faaitiitia o le tau o meatotino tumau, e ripotia i le faamatalaga o le tala o tupe, e faaaogaina ai le metotia o le laina sa'o, e fuafuaina i le umi o le faaaogaina o meatotino tumau. O pasene e faaitiitia ai le aoga o meatotino, o loo ta'ua i lalo:

• Komepiuta	25%
• Ta'avale eletise	20%
• Ta'avale afi	25%
• Meafale ma Masini	20%
• Fa'aleleia o Lisi	2.5%

Na tu'uina mai e le Mālō se taavale eletise i le ofisa e tauala mai i le Matagaluega o Galuega, Femalagaiga ma Galuega Tetele i le masina o Aperila 2025, ma e leai sona tau. O lenei ta'avale ua fa'amauiina e le o se fesuiaiga e fa'aliliu e tusa ai ma le IPSAS 23. Na fuaina le meatotino i lona tau talafeagai e \$170,000 ma ua fa'amauiina i lalo o le vaega o Meatotino Tumau. O le ta'avale o loo fa'aitiitia lona aoga e fua ile umi e aoga ai e lima (5) tausaga poo le pasene fa'aitiitia e 20% i le tausaga. O le tau totoe ma le umi e aoga ai le meatotino e iloilo, ma fetu'utu'una'i pe a moomia, i le faaiuga o tausaga faaletupe taitasi.

O tupe faasili ma tupe pa'u mai le lafoa'ia o meatotino e fuafua e ala i le faatusatusaina o tupe maua ma le tau o loo faamauiina o le meatotino. O nei taunuuga e faailoa ma faamauiina i totonu o le vaega o isi (tupe le toe maua mai)/tupe faasili – aofaiga mulimuli, i le faamatalaga o tupe maua.

f) Faaliliu mai le Mālō – Gaioiga Fa'apisinisi e le Fesuia'ia

Taliaina Aloa'ia ma le Fuataga

I totonu o le tausaga, na maua ai e le Ofisa se taavale e aunoa ma se tau mai le Mālō i le aso 1 Aperila 2025, ma lona tau faatusa e \$170,000.00. O le faaliliuina na iai tuutuuga e tataua ona usita'ia, o se vaega o le latou poloketi fa'aaau, ma pe a le usita'ia nei tuutuuga, e tataua ona toe faafoi le meatotino pe totogi lona tau i le Mālō.

E tusa ai ma le IPSAS 23 – O tupe maua mai Gaioiga Faapisinisi e le Fesuia'ia, na faamauiina le tau talafeagai o le meatotino i lalo o le meatotino, fale ma meafaigaluega, ma faamauiina le aitalafu talafeagai i lalo o tupe e tuai ona maua. O le tupe maua e faamauiina i le faamatalaga o le tulaga tau tupe i se auala e fua i luga o le umi o le aoga o le meatotino.

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

Fuataga o Meatotino na Maua

O meatotino na maua o se vaega o faiga faapisinisi e le fesuia'ia, e pei o taavale afi, e faamauina muamua i le tau talafeagai i le aso na maua ai e tusa ai ma le IPSAS 17 – Meatotino, Fale, ma Meafaigaluega.

g) Fuainumera Fa'atusatusa

O faamatalaga o tupe maua ma tupe alu e aofia ai fuainumera faatusatusa ua mae'a su'eina tusi mo le tausaga ua faaiuina 30 Iuni 2024, lea na toe vaevaeina i tulaga na manaomia ai ina ia fetau ma le faaaliga na faailoa atu.

I vaega na faatinoina ai le toe faavasegaina, na faia ina ia faaleleia ai le faatusatusaga ma e le o ni suiga taua i le malamalamaaga o faamatalaga o tupe maua ma tupe alu. E leai ni suiga i faiga faavae tau tausiga o faamatalaga tau tupe na faia i le tausaga nei e manaomia ai le toe faasa'o o tala o tausaga ua mavae.

l) Fuafuaga fa'atulaga ma Fa'aiuga

O le tapenaina o nei faamatalaga o tupe maua ma tupe fa'aalu e moomia ai le pulega ina ia faia faaiuga, fuafuaga faatulaga ma fuafuaga taulagi e aafia ai le faaagaina o faiga faavae tau tausiga o faamatalaga tau tupe ma le aofaiga o meatotino o loo lipotia, aitalafu, tupe maua ma tupe fa'aalu. E ono iai se eseesega o mea moni mai fuafuaga faatulaga.

E faaauau pea iloiloga o fuafuaga faatulaga ma fuafuaga taulagi. O ni fetuuna'iga i fuafuaga faatulaga tau tupe e faamauina i le taimi na toe fetuuna'i ai le fuafuaga ma i soo se taimi i le lumanai o le a aafia ai.

m) Fa'aagaga mo aitalafu totogi atu

O le faaagaga mo aitalafi totogi atu ua faamauina i faamatalaga o tupe faavae, meatotino ma noataga ina ua i ai se noataga e mafua mai i se mea na tupu ma e matua foliga mai e moomia tele le totogiina atu o nei aitalafu, ma ia mafai ona fua faatatauina le aofaiga. O faaagaga e le faamaonia mo tupe le toe maua mai i le lumanai.

n) Fa'amanuiaga mo tagata faigaluega

O loo fai saofaga le Ofisa Tausi Mavaega a le Mālō i le Faalapotopotoga Faaputugatupe mo le Lumanai Manuia o Tagata Samoa (SNPF), o se fuafuaga totogi faamaonia, e tusa ai ma tulafono a le Mālō ma e leai se noataga i le Ofisa i tua atu o le totogiina o nei saofaga.

O ni noataga mo saofaga e tusa ai o fuafuaga totogi faamaonia e faamauina i faamatalaga o tupe faasili ma tupe pa'u i soo se taimi e tulai mai ai.

▪ Puleaina o Lamatiaga Tau Tupe

O galuega a le Ofisa Tausi Mavaega a le Mālō e tulai mai ai lamatiaga tau tupe i le taimi masani o ana galuega ma tiute faaletulafono o le tausiga o mavaega. O nei lamatiaga e fesoota'i ma lamatiaga tau aitalafu, tulaga tau tupe ma le maketi. O le alavaa a le Ofisa e pulea ai lamatiaga tau tupe o loo limata'ita'ina e faiga faavae i totonu o le ofisa, tiute faaletulafono (e aofia ai le Tulafono o le Pulea 1975), ma faiga aloa'ia faatauina ai. E le auai le Ofisa i ni gaioiga tau tupe e faia i le faamoemoe e maua ai se tupe mama i se taimi pu'upu'u.

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

s) Fa'aauauina o le Ofisa

O faamatalaga o tupe maua ma tupe fa'aalu ua tapenaina fuafua i luga o le faaauauina pea o le Ofisa. Ua mae'a ona iloiloaina e le pulega le tulaga tau tupe, gasologa o tinoitupe, ma manaoga tau tupe, ma ua faamalieina o loo lava alaoa a le Ofisa e faaauauina ai ana galuega mo le isi 12 masina mai le aso e pasia ai nei faamatalaga o tupe maua ma tupe fa'aalu.

E ui ina iai ni le mautonu e faatatau i le taimi e tuuina mai ai fesoasoani mai le Mālō ma le faatauina o le ofisa lisi, e talitonu le pulega e le faalavelaveina ai le gafatia e le Ofisa ona faaauau ana galuega. O lea, e talafeagai le faaagaina o le faiga faaauau o le tausiga o faamatalaga tau tupe.

4. Tinoitupe ma fa'atusatusaga o aofaiga o tinoitupe

O auiliiliga nei o Tinoitupe ma fa'atusatusaga o aofaiga o tinoitupe o lo'o fa'amanino atu i lalo:

	2025	2024
	\$	\$
Tinoitupe mo faatauga laiti	100	100
Faletupe ANZ	597,946	1,407,110
Faletupe ANZ - Galuega faatino	57	58
Faletupe ANZ - Visa Debit Card	1,307	338
Faletupe BSP	118,064	34,465
Faletupe NBS	336,003	1,060,978
Faletupe NBS - Saving	2,010,741	793,063
Aofaiga o tinoitupe o loo i Faletupe ma taulimaina	3,064,218	3,296,111

5. Tupe teu fa'afaigaluega

O auiliiliga nei o Tupe teu fa'afaigaluega o lo'o fa'amanino atu i lalo:

	2025	2024
	\$	\$
<u>Fetu'unaiga o tupe fa'afaigaluegaina i iunite i le UTOS</u>		
Paleni amata:	8,410,944	8,006,034
Iunite faaopoopo 85,343 i le tau \$1.71	142,006	145,937
Fa'ateleina (faaititiga) i se tau fefa'atauai	5.1 553,001	237,444
Iunite sa tala i tua e 2007 i le tau e tala ai i tua \$1.79	(3,593)	50,000
Iunite sa tala i tua e 34,634 i le tau e tala ai i tua \$1.82	(63,034)	7,506
Iunite sa tala i tua e 13,514 i le tau e tala ai i tua \$1.87	(25,271)	(32,619)
Iunite sa tala i tua e 89,323 i le tau e tala ai i tua \$1.90	(169,714)	(3,358)
Paleni faaiu e 4,535,558 iunite i le tau e \$1.95	8,844,339	8,410,944

O tupe teu faafaigaluega i le UTOS e aofia ai teugatupe a le Ofisa faapea teugatupe mai Esetete, Teugatupe tau Mavaega ma Tau i o Fanua o lo o auiliili atu i lalo:

	2025	2024
Esetete, Teugatupe tau Mavaega ma Tau i o Fanua	3,600,894	3,465,142
Teugatupe a le Ofisa	5,243,445	4,945,802
Aofaiga o tupe teu faafaigaluega i le UTOS	8,844,339	8,410,944

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

5.1 Tupe Fa'asili (Pa'ū)	2025	2024
Esetete, Teugatupe tau Mavaega ma Tau'i o Fanua	228,660	100,750
Teugatupe a le Ofisa	324,341	136,694
Aofaiga o tupe teu faafaigaluega i le UTOS	553,001	237,444

6. Tufatufaga o lo'o totogi mai

O auiliiliga nei o Tufatufaga o lo'o totogi mai o lo'o fa'amanino atu i lalo:

	2025	2024
	\$	\$
Tufatufaga o lo'o totogi mai	215,116	202,705
Aofaiga o tufatufagao lo'o totogi mai	215,116	202,705

I le aso 14 Iulai 2025, na faalauiloa ai e le UTOS se tufatufaga e \$0.08 i le iunite e tusa ai ma le tausaga faaletupe na faaiuina i le aso 30 Iuni 2025. I le aso 30 Iuni 2025, na umia ai e le Ofisa le aofaiga e 4,535,558 iunite, ma agavaa ai i le totogiina o tufatufaga atoa e \$362,844. Mai ia iunite, e 1,846,612 iunite sa umia o tupe o Esetete, Tupe teu faa'mavaega ma Tau'i, ae 2,688,946 iunite sa umia e le Ofisa.

7. Isi aitalafu ma tupe muai totogi atu

O auiliiliga nei o Isi aitalafu ma tupe muai totogi atu o lo'o fa'amanino atu i lalo:

	2025	2024
	\$	\$
Noataga o le lisi (SHC)	20,000	20,000
Tupe muai totogi mai	4,433	5,267
Aofaiga o isi aitalafu ma tupe muai totogi atu	24,433	25,267

8. Tinoitupe – Esetete, Teugatupe tau Mavaega ma Tau'i o Fanua

O auiliiliga nei o Tinoitupe mo Esetete, Teugatupe tau Mavaega ma Tau'i o Fanua o lo'o fa'amanino atu i lalo:

	2025	2024
	\$	\$
Esetete	3,701,658	3,968,912
Teugatupe tau mavaega	306,849	254,036
Tau'i o fanua	2,142,016	2,038,409
Tupe faasili & pa'ū e lei mautinoa i tupe teu faafaigaluega (UTOS)	1,194,318	965,656
Aofaiga o tinoitupe - Esetete, Teugatupe tau Mavaega ma Tau'i o Fanua	7,344,841	7,227,013

9. Isi o lo'o nofo aitalafu au ma autalafu fa'aputupu

O auiliiliga nei o Isi o loo nofo aitalafu ai ma aitalafu fa'aputupu o lo'o fa'amanino atu i lalo:

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

	2025	2024
	\$	\$
Tupe fa'aalu fa'aputupu	90,489	64,049
VAGST totogi atu	205,828	174,690
Fa'aagaga mo Inisiua	32,890	30,059
Isi o loo nofo aitalafu ai	1,173	1,173
Aofaiga o isi o loo nofo aitalafu ai ma aitalafu faaputupu	330,380	269,970

10. Nonogatupe o lo'o totogi mai

O auiliiliga nei o Nonogatupe o lo'o totogi mai o lo'o faamanino atu i lalo:

		2025	2024
	Leai ni		
	Fa'amatalaga fa'amalumaluga	Aofai	Aofai
	\$	\$	\$
Aofaiga Nogatupe uma lava	418,190	418,190	808,738
Tupe faaagaga mo Nogatupe masalomia	10.1	(340,333)	(683,058)
le le toe totogiina mai			
		77,857	125,680

10.1 Gaoioiga o tupe faaagaga mo nogatupe masalomia le le toe totogiina mai:

Paleni amata	(683,058)	(683,058)	(1,027,633)
Toese: Aitalafu le lelei le totogiina ae ua	-	-	38,400
Aitalafu ua toe fetu'unai	342,725	342,725	306,175
Paleni faaiu	(340,333)	(340,333)	(683,058)

11. Meatotino tumau

O auiliiliga nei o meatotino tumau o lo'o fa'amanino atu i lalo:

Tau	Fa'amatalaga	Komepiuta	Taavale Afi	Meafale / Masini	Aofaiga
Paleni i le aso 30 Iuni 2024		154,190	303,804	78,227	536,221
Fa'aopoopoga (fa'atau moni)		-	129,130	2,912	132,042
Fa'aopoopoga (le fa'atau moni)	3 (f)	-	170,000	-	170,000
Lafoai		(32,338)	(216,450)	(9,668)	(258,456)
Paleni i le aso 30 Iuni 2025		121,852	386,484	71,471	579,808
Fa'aiti'itia o Aoga					
Paleni i le aso 30 Iuni 2024		83,819	282,167	53,866	419,852
Fa'aiti'itia o aoga		25,471	47,348	7,676	80,495
Lafoai		(31,962)	(207,297)	(8,578)	(247,837)
Paleni i le aso 30 Iuni 2025		77,328	122,218	52,963	252,510
Aoga Fa'amauiina					
Paleni i le aso 30 Iuni 2024		70,370	21,637	24,363	116,371
Paleni i le aso 30 Iuni 2025		44,524	264,266	18,508	327,297

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

11. Meatotino tumau (fa'aauau)

O auiliiliga nei o meatotino tumau o lo'o fa'amanino atu i lalo:

Tau	Meafale /			
	Komepiuta	Taavale Afi	Masini	Aofaiga
Paleni i le aso 30 Iuni 2023	127,431	303,804	64,190	495,425
Fa'aopoopoga (fa'atau moni)	29,111	-	14,037	43,148
Lafoai	(2,353)	-	-	(2,353)
Paleni i le aso 30 Iuni 2024	154,189	303,804	78,227	536,221
Fa'aiti'itia o Aoga				
Paleni i le aso 30 Iuni 2023	58,352	253,716	46,828	358,896
Fa'aiti'itia o aoga	25,488	28,451	7,038	60,977
Lafoai	(21)	-	-	(21)
Paleni i le aso 30 Iuni 2024	83,819	282,167	53,866	419,852
Aoga Fa'amauiina				
Paleni i le aso 30 Iuni 2023	69,079	50,088	17,364	136,531
Paleni i le aso 30 Iuni 2024	70,370	21,637	24,363	116,371

12. Tupe fa'aalu i galuega faatino

O auiliiliga nei o tupe fa'aalu mo galuega fa'atino a le Ofisa o lo'o fa'amanino atu i lalo:

	2025	2024
	\$	\$
Fa'asalaluga fa'alauiloa	1,057	18,931
Totogi o suetusi	26,300	45,300
Aitalafu ua le toe maua	-	17,676
Eletise	27,670	28,057
Inisiua	2,831	9,084
Tupe fa'aalu i le Ofisa	3,769	3,501
Isi tupe fa'aalu lautele	2,658	31,571
Lolomiga o pepa ma pepa	15,541	29,713
Lisi	212,161	214,195
Fa'aleleia ma le tausiga	16,724	24,347
Telefoni ma faailoga tusi	17,561	17,487
Felauaiga ma femalagaiga	11,365	12,720
Totogi o le suavai	1,281	1,247
Aofaiga o tupe faaalu mo galuega faatino	338,918	453,829

13. Totogi o Sui Fa'atonu ma tupe fa'aalu a le Komiti Fa'atino

O auiliiliga nei o Totogi o Sui Fa'atonu ma tupe fa'aalu a le Komiti Fa'atino o lo'o fa'amanino atu i lalo:

	2025	2024
	\$	\$
Tupe Fa'aalu a le Komiti Fa'atino	18,653	13,626
Totogi o Sui Fa'atonu	88,827	55,592
Aofaiga o totogi o Sui Faatonu ma tupe faaalu a le Komiti Faatino	107,480	69,218

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

Ia Setema 2015 e tusa ai ma le Fa'atonuga a le Kapeneta FK(15)31, o tupe totogi mo Sui Fa'atonu ua siitia atu i le \$18,000 i le tausaga ae mo le Taitaifono e \$22,500 i le tausaga.

14. Totogi mo togiaso

O auiliiliga nei o Totogi mo togiaso o lo'o fa'amanino atu i lalo;

	2025	2024
	\$	\$
Lafoga ACC	7,459	6,178
Tupe totogi i le SNPF	75,505	61,777
Totogi o tagata faigaluega	743,410	631,177
A'oa'oga o le afaigaluega	1,713	7,637
Isi tupe faaalu mo le afaigaluega	18,448	4,100
Aofaiga o totogi mo togiaso	<u>846,535</u>	<u>710,869</u>

15. Tinoitupe e le'i tapaina

O auiliiliga nei o Tinoitupe e le'i tapaina o lo'o fa'amanino atu i lalo:

	2025	2024
	\$	\$
Tinoitupe e le'i tapaina	452,457	463,146
Aofaiga o tinoitupe e le'i tapaina	<u>452,457</u>	<u>463,146</u>

O le aofa'i o lo'o ta'ua i luga o lo'o fa'atusalia ai tupe o tau'i fa'apea isi esetete ma tupe teu fa'amavaega sa i ai i le ofisa mo le tele o tausaga. Ona o le natura ma le tu'ufa'atasiga o nei tupe, na faia ai se talanoaga a le ofisa ma le Matagaluega o Tupe. Na ioe le Matagaluega e tataui i le Ofisa ona saili se fa'amaoniga a le Kapeneta e taofia ai tupe e lei tapaina. O se talosaga, na lagolagoina e le i'ugafono a le Komiti Faatonu o Tupe Teufa'afaigaluega, na tu'uina atu i le Kapeneta i le masina o Iuni 2025. Na toe fa'afo'i mai lenei talosaga fa'atasi ai ma isi fa'atonuga mai le Palemia, ina ia sailia se finagalo fa'aletulafono mai le Ofisa o le Loia Sili a le Malo.

16. Noataga tau tupe fa'avae ma tupe fa'aleoleo mo aitalafu

a) Noataga tau tupe fa'avae ma tupe fa'aleoleo mo aitalafu

E leai ni noataga tau tupe tetele mo le fa'aiuga o le tausaga fa'aletupe.

e) Mataupu ogaoga na tula'i mai i le mae'a ai o le aso o Fa'amatalaga o Tulaga o Tupe

O leai ni noataga ogaoga a le Ofisa Tausi Mavaega na tula'i mai i le mae'a ai o le aso 30 Iuni 2025.

17. Mataupu na tutupu mulimuli ane ua maea le piriota o le lipoti

a) Avanoa mo le ono Fa'atau ese o le Fanua Lisi

I le mae'a ai o le aso paleni, na fautuaina aloaia ai le Ofisa Tausi Mavaega e le Fa'alapotopotoga o Fale o Samoa i le fonotaga i le aso 23 Iuni 2025, e uiga i lona fa'amoemoe e fa'atau ese le fanua e pei ona lisiina e le Ofisa Tausi Mavaega. O le fanua ua fa'amoemoe e fa'atau atu a'o le'i mae'a lenei tausaga 2025.

E o'o mai i le aso na fa'amaonia ai nei fa'amatalaga tau tupe, e le'i fa'amauiina se fa'atauga o le fanua. O lo'o iloilo nei e le Ofisa le a'afiaga o lea atina'e i ana fuafuaga o lisi ma mana'oga mo le lumana'i. E ui ina leai se afaina i le tulaga tau tupe i le aso paleni, e ono i ai ni aafiaga i se taimi lata mai.

OFISA TAUSI MAVAEGA
FA'AMATALAGA I FA'AMATALAGA TAU TUPE
MO LE TAUSAGA NA FA'AIUINA 30 IUNI 2025

17. Mataupu na tutupu mulimuli ane ua maea le piriota o le lipoti (fa'auau)

e) Fa'atuai le Fa'atupe a le Malo

Na fa'amoemoe le Ofisa Tausi Mavaega e \$250,000 le tupe a le Malo e tu'uina mai mo le tausaga fa'aletupe 2025/2026 e lagolago ai ana galuega. Peitai, ona o le tuai o le fa'amaoniga o le paketi a le atunu'u ma le Faiga-Palota na fuafuaina mo le fa'aiuga o Aukuso 2025, ua tolopoina ai le tu'uina mai o le fesoasoani seia oo ina fa'amaonia se faigamalo fou ma pasia le paketi.

E talitonu le Ofisa o le a maua le fa'atupega pe a mautu le tulaga fa'apolokiti, ae o lenei fa'atuai e ono a'afia ai le tafega o tinoitupe mo taimi pupu'u ma fuafuaga o galuega. O lo'o mata'ituina ma le toto'a e le Pulega lea tulaga ma o le a fa'atino faiga talafeagai e aua le fa'auauina pea o galuega mo lenei vaitaimi.

E ese mai i nei mea na tutupu, e leai ni isi mea na tutupu mulimuli ane ina ua uma le aso paleni e mana'omia ai le fa'aioaina po'o le fa'aalia i totonu o nei fa'amatalaga tau tupe (2024 : Leai se mea)

18. Lisi

O le Ofisa Tausi Mavaega a le Malo o lo'o umia se lisi mo le fa'aaogaina o le fanua (nofoaga) a le Fa'alapotopotoga o Fale o Samoa. O le totogi fa'alemasina mo lenei lisi e \$20,000.00 (e aofia ai le lafoga o le VAGST), ma o le lisi na amata mai i le aso 1 o Aukuso 2023 ma e fuafua e muta i le aso 31 Iulai 2028.

E le'i fa'aaogaina e le Ofisa Tausi Mavaega ia Faiga Fa'ata'atitia o le IFRS 16 - Lisi, lea na fa'atoa amata fa'amamaluina lona fa'aaogaina mo le ripotiina o period e amata i le aso 1 Ianuari 2019. I lalo ole IFRS 16, o le tele o lisi o le a fa'amaonia i luga o le fa'amatalaga o tulaga tau tupe, fa'atasi ai ma se aia tatau e fa'aaoga ai aseta ma noataga talafeagai o lisi.

Peita'i, ua fa'amautu e le pulega o le fa'aaogaina o le IFRS 16 i le taimi nei o le a leai se a'afiaga tele i fa'amatalaga tau tupe. O le tulaga masani lava lea mo lisi pu'upu'u, pe maualalo le tau o aseta, e ui lava o le piriota fa'atulagaina mo lenei lisi e lima tausaga.

E lē gata i lea, ua fautuaina aloaia mai e le Fa'alapotopotoga o Fale o Samoa i le Ofisa lo latou fa'amoemoe e fa'atau atu le fanua lisi a'o lei o'o i le fa'aiuga o le tausaga nei 2025. E iai ni a'afiaga o lenei fuafuaga, e ono fa'amuta pe toe suia ai le lisi pe a uma ona fa'atau atu le fanua. Ona o lenei le mautonu, o le a toe iloilo ai e le Ofisa lana fa'avasegana o le lisi, fa'apea fa'amaumauga pe a fa'amaonia fa'amatalaga e uiga i le fa'atauga o le fanua.